



सानसेयारि **“बड'सा”** ख्रीर्लाइयाव
 ख्माज्यादि जिज्जो लोब्बा थानाय रायथाय, खन्थाय,
 खल', खल'बाथा आबो दावबायारि थावनि, पार्क
 बाइदिनि स्यायव लिन्नाय लिन्दिबां हैथाय ठर/
 सानसेयारि **“बड'सा”** ख्रीर्लाइया सेबखानाबै
 फोसावगेन/
 बड'सायाव लिन्दिन्नायनि हुडा खालाम,
“बड'सा” ख्री नोथां, जौ बयबो आंगो खालाम।

सानसेयारि बड'सा मावखुलि
 माइबं नोगोर, जोहोलाव दैमालु लामा
 कक्राझार, बिटिसि-783370
 Website: www.bodosanewspaper.com

BODOSA ★ A Bodo News Daily ★ Saturday ★ 4 October, 2025 Kokrajhar, BTC, Assam ★ Vol.-35, Issue No.189 ★ R.N.I.Regd.No.40994/91, Assam Govt. Regd.No.IPRD.40/2006/3, Rs.8/-

बिटिसिनि जौगाखांनयनि सार्थआव बिजेपिनिसिम रादाय

**एनडिएआव इउपिपिएलआ आउट जायोब्लासो
 बिपिएफआ इन जानो थियारि: हाग्रामा महिलारि**

कक्राझार, 3 अक्टबर: प्रमद
 बर' दैदेन्नाय इउपिपिएल
 दोलोजो लोगोआरिखौ
 नागारोब्लासो हाग्रामा
 महिलारिनि दैदेन्नाय बिपिएफ
 दोलोआ एनडिएआव बाहागो
 जागोन। बेबायदि रादाय होनानै
 दिनै बिपिएफनि आफादगिरि
 आरो बिटिसिनि गाहाइ मावफुं
 सोद्रोमा महरै समायखिरा लानो
 गोनां हाग्रामा महिलारिआ रोखा



खालामना होनानै बुंदोदि, जेब्ला
 बिपिएफआ इन जानांगोब्ला
 इउपिपिएलआ आउट जानांगोन।
 मख'नो गोनांदि, बांसिन्थार
 अन्जिमाआव मासि देरहानानै
 बिटिसिआव फिन सरकार दानो
 साखा-फारा जानाय बिपिएफ
 दोलोनि दिनै नैथि नेमखाथि
 थि खालामग्रा आफादनि जथुम
 खुंनय जादों। जथुमआव
 (□ 6 बिलाइआव)

**दिनै आसाम साहित्य सभानि बान्जायनायाव हार्थट्रब
 जुबिन गार्गनि मान बाउनाय आरो गोथार स्राइ खुंगोन**

गुवाहाटी, 3 अक्टबर: दिनै
 आसाम साहित्य सभानि
 बान्जायनायाव गोजाम
 थासारियारि हासिमु सैरखाथि आरो
 सोमोन्धोथि दालाइसा आफादनि
 हेफाजाबआव गुवाहाटीनि
 आम्बारिआव थानाय भगवति
 प्रशाद बरुवा भवनआव
 आसामनि थागिबिफोरनि
 गोर्बोनि आमाइतुकल,
 देखोगिरि, देखो सुजुगिरि,



सावथुन दिहुनगिरि आरो
 फावखुंगुर जुबिन गार्गनि गोथार
 स्राइ आरो मान बाउनाय
 (□ 6 बिलाइआव)

**मोन 15 थावनिफोराव अमृत सरोबर बिथांखिनि थाखाय नख'र
 मन्थि सामलायख'आ गनायथि होबाय: पियुश हाज'रिका**

गुवाहाटी, 3 अक्टबर:
 आसामनि मोन 15 थावनिफोराव
 अमृत सरोबरखौ मावफुं'नो
 थाखाय नख'र मन्थि
 सामलायख'आ 692 कौटि रंनि
 गनायथि होदों। बे रंजो सनितपुर
 जिल्लायाव मोनसे, जहाटआव
 मोनब्रै, गलाघाटआव मोनब्रै,
 शिबसागड'आव मोनसे,
 डिब्रुगड'आव मोनसे,



माजुलियाव मोनसे,
 तिनसुकियाआव मोनसे,
 मरिगावआव मोनसे आरो

कामरुप जिल्लायाव मोनसे
 अमृत सरोबर बिथांखिखौ
 मावफुं'गोन। बे बिबुंथिखौ
 लाखिदों मन्थि पियुज
 हाज'रिकाआ। दिनै दिसपुरनि
 जनता भवनआव मोनसे जर'खा
 खौरागिरि मेल बान्जायनानै
 मन्थिआ दै सम्फद बिफाननि
 गोबां गाहाम खौरा होनायजों
 (□ 6 बिलाइआव)

**बिटिसिनि 5थि मावफुं आफादनि समायखिरा
 हाबाफारिनि साखा-फाराथिया सोलिगासिनो दड'
 गाहाइ आलासि महरै राइज्यो बेंगिरि आरो गिबि मन्थिआ बाहागो लागोन**



कक्राझार, 3 अक्टबर: थानाय
 22 सेप्टेम्बराव खुं जानाय
 बिटिसि बिसायख'थिनि
 फिथाइखौ 26 सेप्टेम्बराव
 फोसावखानायनि उनाव आगुनि
 17 बोसोर खुंथाइ गोहोआव
 थाबोनो हानाय बिथां हाग्रामा
 महिलारि दैदेन्नाय बिपिएफ
 दोलोआनो बयनिखुइबो बांसिन
 मोन 28 मासि लानानै देरहासार
 जानो हादोंमोन। बिसायख'थिनि
 फिथाइ फोसावखानायनि
 (□ 6 बिलाइआव)

**माजबात हाग्रा खोन्दोनि बिबानगिरि मिन्थु
 बसुमतारिखौ उदालगुरि आपकुआ बरायदों**



उदालगुरि, 3 अक्टबर:
 उदालगुरि जिल्ला आपकुनि
 बान्जायनायाव माजबात हाग्रा
 खोन्दोनि बिबानगिरि मिन्थु
 बसुमतारिखौ दुंबुदयै बरायदों।

उदालगुरि जिल्ला आपकुआ
 मिन्थु बसुमतारिनि गाहाम
 जिउमानि थाखाय आर'ज
 (□ 6 बिलाइआव)

**पुथियागावआव सान 5नि
 हाबाफारिजों लक्ष्मी फुजा खुंफुंगोन
 एमसिएलए देरहासात बसुमतारिआ
 बिमा लक्ष्मीनि मुर्ती दान होगोन**

बासुगाव, 3 अक्टबर: गुबुन-गुबुन ओन्सोलफोरजों लोगोसेनो
 कक्राझार जिल्लानि सालाकाटि पुलिस आउट पस्टनि बेंखनआव
 थानाय पुथियागावआवबो 6 अक्टबरनिफ्राय 10 अक्टबरसिम सान
 5 नि हाबाफारिजों लक्ष्मी फुजा खुंनो लाहार-फाहार खालामनायनि
 खौरां मोन्नाय जादों। 53थि बिमा लक्ष्मी फुजाखौ गाहामै गाहाम
 रंगिना-संगिनायै खुंनो थाखाय बाबुल बर्मनखौ आफादगिरि आरो
 सन्जिब बर्मनखौ नेहाथारि महरै लानानै मोनसे गोहो गुर पुथियागाव
 बिमा लक्ष्मी मेला आफाद दानानै लानाय जायो। गिबि सानखालि
 मन्दिराव मुर्ती गाइसन्नाय बिमाखौ सिबिनाय बायदि हाबाफारि
 सामलायनाय जागोन। मखनो गोनांदि, आसामनि बाइजोनिक्राय
 लाबोजानाय मारबलनि बिमा लक्ष्मीनि मुर्तीखौ 26 सेप्टेम्बरनि
 बिटिसिनि बिसायख'थिनि (□ 6 बिलाइआव)

**बिजेपि दोलोनि बिजित गोर नार्जारिखौ बिपिएफ दोलोआव
 हाबगोनखौ लानानै बिपिएफनि मावथिफोरा खुद्रिसारदों**



तामुलपुर, 3 अक्टबर:
 तामुलपुर जिल्लानि बेंखनआव
 थानाय 26 नं दरखजुलि ब्लक
 बिपिएफ दोलोनि ओन्सोलनि
 हेफाजाबगिरिफोरा मोनसे गोखौ
 खुद्रिसारनाय हाबाफारि
 सामलायो। खुद्रिसारनाय हान्जाया
 26 नं दरखजुलि बियाबनिफ्राय
 (□ 6 बिलाइआव)

**कलाइगावआव देखोगिरि जुबिन गार्गनि 'मायाबिनी'
 देखोजों बिमा दुर्गानि मुसुखाखौ फोजावहरबाय**



कलाइगाव, 3 अक्टबर: हदत
 नाडै आरो आसाम नाडैजों
 लोगोसेनो बिटिआर उदालगुरि
 जिल्लानि सिडाव थानाय

कलाइगावआवबो जिल्ला आरो
 जायगायारि खुंथाइनि गोखौ
 रैखाथिनि गेजेराव अलखदखौ
 सिलिखार खालामग्रा बिमा

**नलबारिआव देखोगिरि जुबिन गार्गखौ
 गोसोखानानै बिफां फुलि गायनाय हाबाफारि खुंदों**



घग्रापार, 3 अक्टबर: आसामनि आंगोनि हार्थब्रब देखोगिरि जुबिन
 गार्गखौ गोसोखानानै दिनै साननि 11:00 रिगासोआव नलबारि
 जिल्ला असम गन परिषद (अगप')नि गाहाइ मावखुलि
 लागोनायाव नाहर बिफानि फुलि गायदों। मख'नो गोनांदि, रंसारि
 जुबिन गार्गआ जिउ थानाय समाव (□ 6 बिलाइआव)

बसन्त बर' गोसोखां सुपार डिभिजन फुटबल लीग

काहिवारि जोहोलाव स्पर्टस क्लबाआ सेम्पियनशिप आरजिबाय

भबानिपुर, 3 अक्टबर :
 सालबारिनि सानसोरं स्पर्टस
 क्लबाबि बान्जायनायाव
 सालबारि फरायसालिमा गेलेग्रा
 फोथाराव खुंजाबाय थानाय
 (□ 6 बिलाइआव)



SINCE 1982

DAS[®] JEWELLERS

J.D. Road Kokrajhar

LUCKY GOLD COIN DHAMAKA

**बे दुर्गा फुजा आरो दनतेरासनि समाव 3 ग्राम आरो बेनि बांसिन सना
 बायोब्ला, सा 15 बायगिरिफोरा 1 ग्राम सना देरहानायनि मोनसे खाबु
 मोन्नो हागोन।**

**25 सेप्टेम्बर, 2025 निफ्राय जागायनानै 20 अक्टबर, 2025 सिम
 नोथांनि केस मेम 'खौ लानानै नोथांनि Lucky Draw Coupon खौ
 लांफे आरो सना देरहानायनि मोनसे मोजां खाबुखौ ला।**

**This Durga Puja and Dhanteras, on Purchase of
 Gold Ornament of 3gms and above, 15 Purchasers gets
 a chance to win 1 gm Gold Coin Each.**

**Starting From 25th September, 2025 to 20th
 October, 2025. Collect your Lucky Draw Coupon along
 with your cash memo and stand a chance to win gold.**

**Ph: 03661-355618,
 Cell No.: 8876631728**

सुजुगिरिनि खोलोम फेग्रा मुवा आरो इयुन हान्जा

समाजाव सोरबाया गात्रि मुवा फान्ानै मुलाम्फा आर्जिदों आरो सोरबाया बे गात्रि मुवाखौनो बायनानै जिउनि हान्थिनायखौ अबथिरायै गुसुं खालामनानै लानादों। बे रोखोमनि जाथायफोरा गुबुन समाजाव जैरै खैफोद गोनां महैरै गोसारनो लादों बिब्दिनो जौनि समाजावबो बे रोखोमनि गात्रि मुवाया सानफा एफा गोसारनानै गोबांखौनो बेनि बोलि जानानायबो नुनो मोन्नाय जायो। समाजनिफ्राय बेनि फासैं गोखों नोजौरै रहा लानायखौ नुनो मोनाब्लाबो खुंथायखौनो बेनि हेंथायै गोखों रहा लानायखौ नुनो मोन्नाय जादों। खुंथाया गोखों आखाइजों दबथायनो लानायनि जाउनावनो फेग्रा मुवानि फालांगिखौ एसे बाडाय जाबोनायबो नुनो मोन्नाय जादों।

फेग्रा मुवा एबा इगस जानाय बाइदि गात्रि आरो गिथाव-बाथाव हुदाखौ जौनि माखासे गोलेँफोराबो बोजबनानै गोबाडनो नागारनो हायै जाना खायफाया अबथिरा जिउ गोमा नांगासिनो आरो खायफाया नख'रखौ गोजोन गैयै थासारियाव खोख्लैनायबो नुनो मोनो। टाउन सहरनिल'बाथ्रा नड, गामि सिंनि गथ'-गथायफोराबो बे गात्रि आखुखौ बोजबनानै लानो हाया बेनि साथाव नोजोर लाखिनांगोन। बिसोरनि गेजेराव गोरों-गोरा, समाजनि मान गोनां सुबुंफोरनि नख'रनि गथ'फोरबो थानाय नुनो मोनो। जौनि हावत्सानि एबा बिटिआर. हालामनि राइजो-राजाफोरनि गेजेराव सांग्रांथि नुनो मोना। फेग्रा मुवा, जैरै- गान्जा, डेनइ़ाइट आथा, जौखौ हाथाय बाजारफोराव गोलेँयैनो मोनफुडे, बेखायनो गथ'-गथ' सेंग्रासाफोरानो बेफोर मुवाखौ बाहायनानै नागारनो हायै जालांबाय। जौखौ हाथाय-बाजाराव लांवडैफान्नाय हुदाखौबो जौनि समाजनि सुबुंफोरा दासिमबो नागारनो हाया जाबाय। फरायसा गथ'फोराबो हाथाय-बाजाराव फान्नाय जौखौनो लॉनो सोलॉंबाय, उनाव लॉग्रा हुदायाबो बांलांबाय। मुलनि गलाफोरावबो बायब्लानो मोन्नाय फेग्रा मुलि करेक्स, दखानाव मोन्नाय डेनइ़ाइट आथाखौ बायनानै गथ'-गथ'फ्रा बाहायनायखौ खोनानो मोनसोगारो।

सुबुं समाजा गोलेँफोरखौ बे बाइदि गात्रि हुदानिफ्राय रैखा खालामनायनि माबाफोर राहा लादों ना? नुनाय बाइदियै जौनि समाजाव बे बाइदि गात्रि आखुफोरखौ गोलेँ गथ'साफोरा नागारो बेनि जेबो राहा लानायखौ नुवाखै। जौनि समाजाव गोखों समाजारि आफाद दं होन्ना बुंब्ला एबसुखौनो बुंनाइ जागोन। एबसुवा गोसो जायोब्ला फरायसा गथ'फोरनि गात्रि आखुखौ नागारहोनायनि राहाखौ लानो हागौ। एक्सुनि अनगायै गुबुन समाजारि आफादफोरा बेनि राहाखौ गोखोडै लानो हायाबो जानो हागौ। समाजनि दैदेनगिरि मेलेम गोनां सुबुंफोरा समाजनि गोलेँफोरनि गाहाम इयुननि थाखाय गोथौयै साननो गोनां जाबाय।□

दिनैनि फान्जामुधि

<i>राशि बाइदियै मुंनि गिबि हांखो</i>
मेष : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ज झ)
मेघ: सुथुर जानानै थानायफोरा जोबस्त्रानाय नड। जैरेबो सांग्रां जानानै थानांगोन।
वृष: जेबो जेंना गैयै सुखुखौ मोन्नो हागोन। फाफ्रोमबो मोजां। गोजोन मोनगोन।
मिथुन: सोरजोंबाफोर बायदिसिना होन्नानै थगायजानो हागौ। सांग्राडै थानाय गाहाम।
कर्कट: नख'रआव मानिबाफोर जेंना नुजानो हागौ। गोसोखौ शान्ति गैयै मोनगोन।
सिंह: जायखि जाया नख'रनि गोथार हाबा मावनानै लानो हागोन। गोजोन मोनगोन।
कन्या: सोरनिबा जुलनि थाखाय आगान सुरनो हागोन। सान्नाया जाफुंगोन। शुभ सान।
तुला: गोसोखौ मानोबा शान्ति गैयै मोनखानो हागौ। जेरावबो शान्ति मोन्नाय नड। गोसोखौ हमथा।
वृश्चिक: माबा मोनसे ख'हा जानो हागौ। जेथिबो सांग्रां जानानै मावनांगोन।
धनु: फालांगियाव मुलाम्फा खालामनो हागोन। बे राशिनि थाखाय मोजां सान।
मकर: बादायनायाव देरहासार जानो हागोन। जेरावबो मुं खालामनो हागोन। मोजां सान।
कन्या: देहायाव जोखोमफोर मोन्नो हागौ। सांग्रां जानानै थानांगोन।
मीन: मानिबा जाहोनाव गोदानै जिंगा सिनानो हागौ। गोसोखौ लोरबां लानो नाड।

बर’ राजानि नबथि जारिमिनारी सिखनाझार

पि. हेमारी	
	
दानि क’कराझार	
सहरनिफ्राय साहा। नैजि कि:मि:सो गोजान थाडोब्ला 31 नं गाहाय राजा लामाखौ मोनहैगोन। बे 31 नं गाहाय राजा लामानिफ्राय साहा रोमै रोमै खोमसि दरसि आरो मोथांखोर नुहुरलायनाय गुदु हाग्रामायानो जादों सिखनाझार। सानश्रहायै जीब जुनार आरो बेसेन गोसा बिफां लाइफांफोरजों बुंफबनाय बै बेसेबांवा गुदु हाग्रामाया साहा गंगार हादोर एबा भुटान हादोरसिम नांथाहैनाय।	
बयनिबो मिथिनायाव बेयो मोनसे जारिमिनारी हाग्रामा आरो बै हाग्रामानि मुंखौ बयबो सिखनाझार होन्नानै मिथिगौ। आबै आबौमोनहा बुंलांनाय बाइदिब्ला आरो जारिमिननि बाइदिब्ला गोदो सासे मुंदांखा गोहो गोरा बर’ राजाया बै ओन्सोलाव राजथावनि गाइसनदों मोन। बै ओन्सोलावनो मोनसे समायना रमायना हाजो सारिया सिखना मुडै मिथिजानायमोन। बिखायनो बै राजाखौ सिखना राजानि गुबै मुडा हावरिया मन्डल मुडैबो मिथिजादोंमोन।	गोदोनि दिनाव बर’फोरखौ सम लायै सम, जायगा लायै जायगा गुबुन गुबुन मुडैमख’नायमोन। जैरै–असुर, दानब, किरात, डिमासा बाइदि बाइदि। गोबां सानसुमैफोरनि बाइदिब्ला गोदो बर’ हारिया मेचो दैमा सेरफाडव राइजोजादोंमोन। बिखायनो बर’ हारिखौ गुबुन हारिफोरा मेच बुडेमोन आरो दासिमबो बुडे। हावरिया मेचनि उनाव बिनिनो फिसाज्ला बिशु एबा बिश्वसिं मेचआ सिखना राइजोनि राजा जादोंमोन आरो बिमानि थिन्नायाव राजथावनिखौ बै सिखना ओन्सोलनिफ्राय दान सोनाव बेंगलनि हिंगुलाबास होन्नाय थावनियाव बोस्लायला’दोंमोन। राजथावनिखौ सिखना ओन्सोलनिफ्राय हिंगुलाबास आव बोस्लाय लांनाय समाव गोबां बर’ फोरजा फिसाफ्राबो राजाजों लोगोसे बै थावनियाव थांफादोंमोन। बै बर’ राजा फोजाफोर गालांनाय गुवार नबथियानो लासै लासै जोबोर गुदु हाग्राबारी एबा हाग्रामा जाबोदोंमोन आरो बै गुदु हाग्रामायानो सिखनाझार मुडै मिथिजायो।
	बै गुवार आरो बेसेबा गुदु हाग्रामा ओन्सोलावनो दं

बर’ राजा कृष्ण चन्द्रया गावनि धोरोमखौ मानो नागारामोन?

<i>वकुल वन्द वसुमत्तारी</i>

इं 1790 माइथायनि बाथ्रा। खोला आसामाव बर’ राजा कृष्ण चन्द्राआ गोगोम राइजो खुंगासिनो दंमोन। बनि बिसिबांबा सिगांनि गिबियावनो गासिबो भारतआव हिन्दु धोरोमा गोसार जोबखाबायमोन। हिन्दुफोरनि बर्ण प्रथाया बयनावबो गोसारनो लाजोबबायमोन। हिन्दु धोरोमनि दै बानाया बेंगल आरो आसामआवबो लोमनो लाफैबायमोन। भारतनि गासिबो राजा महाराजाफोरा हिन्दु धोरोमनि फाख’नआव सिम्बे जानानै गावसोरखौ हिन्दु फोलेरनि होन्नानै लानो हमजोबखाबायमोन। बर’-कसारि राजाफोरा डिमापुरआव राजथाउनि लुनानै राइजो खुंनाय समाव हिन्दु धोरोमनि बार हुंखाआ बिसोरनि नख’रआवबो बुग्लाबफैदोंमोन। सोनाबनि बिन्दु सुबुंफोरा डिमापुगव हाबफैनानै बर’फोरनि खोमायाव हिन्दु धोरोमनि सान्थौफोरनि बाथ्राखौ सोनानै होफैदोंमोन। बनि गिबि बेंगलआव राइजो खुंनाय बर’ राजाफोरा हिन्दु फोलेरआव हाबनानै गावसोरखौ हिन्दुफोर होननानै लाखांखाबायमोन। मेच राजा बिश्वसिंह, नरनारायन मोनहा हिन्दुयाव हाबनानै गावसोरखौ राजानि बंश राजबंशी होननानै फोसावखांबामोन। सानजानि आरो खोलाहानि बर’फोरा हाया हाया गावसोरखौ बर’ फोलेरनि दुरुंजो खानानै लाखिनो नाजाबाय थादोंमोन। नाथाय बर’फोरनि बे दुरुड सानसेखालि जनानै थांदोंमोन। बिसोरबो हिन्दुफोरनि धोरोम आरो सान्थौखौ गनायनो गोनां जादोंमोन।

हिन्दु धोरोम फोसावगिरि हिन्दु बामोनफोरा सानसेखालि बर’ राजा कृष्ण चन्द्रनि सिगाडव बुंफैदोंमोन : मानाव गेदेर राजा कृष्ण चन्द्र, नोंथाड इनायनो गोहो गोरा आरो नोंथाड जेरावबो मुंदांखा। नोंथांनि फोरजा बेंनाय आरो राइजो खुंनाया जोबोर बाख्याय जाथाव। नोंथांनि गोहो बोलोया सोरगोनि राजा इन्द्रनि समान। नोंथांनि मुंखौ सोरगो, बुहुम आरो पातालपुरनि बयबो मिथिजोबगौ। नाथाय नोंथांहा मोनसे खहा दड। बे खहाया जाबाय, नोंथाड दाबो हिन्दु नड। संसारनि नियमआ बेखौनो थिनयो दि, राजाफोरा क्षत्रिय फोलेरनि सुबुं जानो गोनां। गुबुनफोर सुबुंफोरा राजा जानानै राइजो खुंनो मोनथाय गैया। बिदि सुबुड राजा जायोब्लाबो मोदायफोरा बिखौ राजा होननानै गनाया। फारसेजों, हिन्दु नडै सुबुंफोरा संसाराव म्लेच जानानै भुगिनाडे। बिसोरखौ मोदायफोराबो नेवसिगारयो। बनिखायनो मानाव गेदेर राजा कृष्ण चन्द्र, नोंथाड हिन्दु धोरोमाव हाबानानै क्षत्रिय जानानै गुस्लायदो। हिन्दुआव हाबनानै मोदायफोरनि अन्जालु जानानै राइजो खुंदों। सोरगो बुहुम आरो पातालपुरनि जेरावबो जैरेबो मुंदांखा जानानै राइजो खुंदों।

हिन्दु बामोननि खोथायाव राज कृष्ण चन्द्रआ गलिलांदोंमोन। बिसोरनि खोथाखौ नंगौ होननानै गनायनानै लादोंमोन। बियो बावनानै थांदोंमोन दि, संसारायाव हिन्दु नडै गोबां राजाफोराबो राइजो खुंनानै दं। हिन्दुफोरआल’ गासिबो संसाराव राइजो खुडखै। हिन्दुफोरनि सोलिनायाव राजा कृष्ण चन्द्रआबो नंगुबै बाथ्राखौ बावनानै थांदोंमोन। बियो बिसोरनि नंखाय गोदै बाथ्राखौ नंगौ साननानै लादोंमोन। गुबुनफोरबादिनो

बर’ राजानि आगोमा गोजाम जारि मिनारि बाइखोन्दा नेसॉनफ्रा। समायना रमायना सिखना हाजो सेराव आरो जिरि जिरि स्राइ स्राइ बोहैग्लाइनाय शाम’खा दैसा जिडवनो गाइसन जादोंमोन बै बर’ राजानि समायना राजथावनिया। बर’फोरा बै समायना राजथावनिखौनो नौ नोगोर होन्नानैबो बुंनायमोन। गोलाव समनि फाख’नाव मिथिंगानि बार, अखा बांखानि नांखेबनायाव आरो हाग्रा बंग्राफोरनि जाग्लोबनाय मानग्लेबनायाव बै बाइखोन्दा, नेसॉनफ्रा गोबांद्राय रोखा रोखा नंलाब्लाबो दं बै थावनियाव समायना रमायना साजायनानै जावनाय गिदिर आरो गुवार, फुखि, अन्थायजों जाबखोनानै साजायनाय लांगोना (गेट) गिदिर गिदिर नफोरनि बाइखोन्दाफोर, ननि गाखोग्रा एबा गाग्रा (सिरि), दैखरफोर, सुथुरफोरखौ नेग्रा एबा जमग्रा (बांखार) आरो एसे जानगारफ्राव दं माखासे बान्दो एबा गर खोनाय। आरो बाहान्दार बिलोनिफ्राय बै थावनियाव जावना लाबोनाय दोंसे जाम्फै। बेफोरनि अनगायैबो गुदु हाग्रा सिडव एबा हा सिंफ्रावबो गोबां बाइखोन्दा नेसॉनफ्रा थानो हागौ। बेखौ सानजायोदि बबेबा समाव

हिन्दुफोरनि सोलिनायाव लामा गोमानानै राजा कृष्ण चन्द्रआबो हिन्दुफोरनि फोथा फुननानै गावखौ हिन्दु होननानै फोसावनो बोरखांदोंमोन। बिबादिनो इं 1790 माइथायाव राजा कृष्ण चन्द्रआ हिन्दु धोरोमनि मावफुंनो गोनां मावथायफोरखौ मावनानै हिन्दु फोलेरनि बिखायाव उब्रेलांदोंमोन। राजाया हिन्दुआव हाबनाय दिन खालि राजथाउनियाव गोबां मावफुंफारि लाखिनाय जादोंमोन। गाजा गोमजायै बेफोरखौ मावफुं जोबनानै राजाया ऐदिनखालिनिफ्राय गुस्लायनानै हिन्दुफोरनि क्षत्रिय हान्जायाव गोजाबलांदोंमोन।

हिन्दु धोरोमआव सोनाय समआव राजा कृष्ण चन्द्रखौ स’नानि मोसौ गायनि उदैआव हाबहोनाय जादोंमोन। मोसौगायनि उदैनिफ्राय ओंखारबोनायाव राजाया गोदानयै जोनोम मोनफिनबाय होन्नानै फोसावनाय जादोंमोन। गोदानयै जोनोम मोन्नाय लोगोसे राजाया हिन्दु फोलेरआव जोनोम मोनबाय होननानै बिबुंसारनाय जादोंमोन। बर’ राजा कृष्ण चन्द्रआ बिदिनो हिन्दु फोलेरआव हाबनानै थांदोंमोन। बाथ्राया नाथाय बेवनो जोबनानै थाडखेमोन। उननि मुगाफोराव राजानि बंशखौ सनानै थाडेब्ला, राजाया बर’ फोलेरनिफ्राय ओंखारबोनाय राजा होननानै मिथिगौमोन। माब्रैथो बियो हिन्दुफोलेरनि क्षत्रिय राजा जाखो, बेखौ सुबुंफोरा सोंगौमोन। बिदि सोंनायनिफ्राय बारगनो थाखाय हिन्दु बामोनफोरा सानखॉनानै नंखाय जाथायफोरखौ लिरनानै दोनदोंमोन। राजानि बंसावलीआव नडै बाडै सल’खौनो लिरनानै सुबुंफोरखौ आन्दाय होनो फाव फान्दायनाय जादोंमोन। राजा कृष्ण चन्द्रनि बंशखौ बिसोरनो बेबादि सल’सोरजिखॉनानै महाभारतनि मुगानि साबा पान्डबफोरजों सरजाबनानै होदोंमोन। बर’फोरखौ साबा पान्डबफोरजों सरजाबनो थाखाय बिसोर गाहायाव दिन्थिनायबादि फावखौ फान्दायलांदों,

“महाभारतनि मुगायाव पान्डुनि फिसाज्ला साबा युधिष्टिर, भीम, अर्जुन, नकुल आरो सहदेबआ बनबासआव थानांनाय समाव, सानसेखालि बर’फोरनि राइजो डिमापुरआव सौफैदोंमोन। बे समाव डिमापुराव हिडिम्बा मुंनि नायनो मोजां मेगनाव गोनां सासे बर’ हिन्जाव दंमोन। बनि मुड हिडिम्बामोन। हिडिम्बाया जैरै नायनो मोजांमोन, बेबादिनो बियो इनायनो मायाबो गोरोंमोन। हाग्राबारियाव गिदिंबाय थानाय समाव सानसेखालि भीमआ बर’ हिन्जाव हिडिम्बाखौ लोगोमोनसनदोंमोन। हिडिम्बाखौ नुग्रोमाना भीमआ हिडिम्बा नि महर मोखाडव जावलिया जादोंमोन। हिडिम्बाखौ हाबा खालायनो बियो जाउलिया जाखांदोंमोन। फारसेजों, हिडिम्बायाबो भीमनि देहा मोदोमखौ नुनानै भीमजोंनो जुलि लानो थाखाय बनि गोसोआ बोरखांदोंमोन। बिदिनो भीम आरो हिडिम्बानि हाबायाबो जानानै थांदोंमोन। सानसेखालि साबा पान्डबफोरा गावसोरनि राइजोआव थांफिनदोंमोन। हिडिम्बाया भीमनि फिसाखौ गावनि गोरबोयाव लानानै डिमापुरआवनो थालांदोंमोन। उनाव हिडिम्बाया बे गथ’खौ जोनोम होदोंमोन। बे गथ’नि मुंखौ घटतक’च होननानै गाबन्नियाय जादोंमोन। घटतक’चआ इनायनो गोहो गोरा

बोलोगोरा जानानै देरबोदोंमोन। बिमानि माया बिद्याखौ घटतक’चआ सोलॉनानै लादोंमोन। गावनि बोलो आरो मायाजों बियो संसारनि गोहो गोरा सुबंफोरनि मादाव सासे सुबुं जानानै फैदोंमोन।

महाभारतनि कुरुक्षेत्र घटतक’चआ पान्डबफोरनि जानानै रोन

जावनायफ्राव गोदोनि सुबुंफोर बाहायलांनाय गोबां आगजुफोर मोननाय गामिआरिफोरा रोखा रोखा फोर्मायो। गोमोथावदि दाब दाब गामिफ्राव मोन्नाय बैफोर आगजुफ्रा गोरोबनाय, दैफुफ्रा गोदोनायाव आगर गोनांलाय आरो आसानफ्रा गिदिर गिदिर, आबै आबौमोनहा बुंलांनाय “गोदोनि मानसिफोरा गिदिर गिदिरमोन आरो बिसोरनि आसानफ्रा दानि मानसिफोरनि फेन्दामानि हाबजालायनायमोन” होन्नाय बाथ्राफ्रा गोरोबफ्लेनाय आरो बेफोरनि अनगायैबो गोबां थामा एबा पिटलनि आगजुफोरखौ मोननायाबै ओन्सोलनि ओन्सोलारीफोरा फोर्मायो।

ओन्सोलारी सुबुंफोरनि फोथायनाय :--ओन्सोलारी बर’ सुबुंफोरा थावनिखौ मोनसे गोथार एबा निस्थार थावनो हि साबै फोथायो। बिसोर फोथायोदि गोदोनि बर’ राजाया एबा सिखना राजाया बाथौ सिबिनायमोन आरो बै थावनियावनो बाथौ बोरायखौ सिबिनानै बियो जोबोर गोहो गोरा जानो हादोंमोन। ओन्सोलारी आबै आबौमोनहा फोर्मायलांनाय बाइदिब्ला बै दं।□

हैदोंमोन। महाभारतआव लिरनाय जादों, घटतक’चआ गावनि माया आरो गोहीनि बोलोजों कौरबफोरखौ सानसेआवनो फोजोबनो लाबायमोन। जेबो उपाय गैथारैलाय, कौरबनि रैनियाफोरा कर्णखौ खावलायनानै घटतक’चखौ गावथारनो थिनदोंमोन। रोनहोनायाव कर्णया घटतक’चनि खोमोन दोंसेबो सोमावनो हायाखेमोन। कर्णहा मोदाय राजा इन्द्रनिफ्राय मोननाय मोनसे बान दंमोन। बे बानआ जेब्लाबो फेलें जायामोन। कर्णआ बे बाणखौ खेबसेल’ बाहायनो हागोन होननानै इन्द्रआ बुंनानै दोनखादोंमोन। खेबसे बाहायनायनि उनाव बियो इन्द्रनावनो थांफिनगोन होननानैबो बुंनानै दोनखानाय जादोंमोन। बे बाणखौ बाहायाब्ला कौरबफोरा गासिबो घटतक’चजों बुथारजोब जासिगौमोन। कर्णआ उपाय गैयैलाय इन्द्रनि बे बाणखौ बाहायनो गोनां जादोंमोन। घचतक’चआ सानश्र’हायै कौरबनि रैनियाफोरखौ बुथारनानै कर्णनि बानआव थेनानै थांदोंमोन।

गोहो गोरा भीमनि फिसाज्ला घटतक’चनि बंशनिनो सेजौ राजानि उनाव राजा कृष्ण चन्द्रआ जोनोम मोनदोंमोन आरो हिडिम्बापुरीनि राजा जादोंमोन।”

दानिआ बे लिरनाय बाथ्राफोरा बिसिबां फोथायजाथाव बेखौ बिजिरनानै नायनायिन। गासिबो बिजिरनानै नायोब्ला नुनो मोनगोन दि, बर’फोरा भीमनि बंशनिफ्राय ओंखारबोनाय होननानै लिरनाय बाथ्राया सैथो नड। बनि जाहोनफोरखौ बुरन्नानै गाहायाव फेनद्लानानै होनाय जाबाय।

क. महाभारतआ सानखॉनानै लिरनाय मोनसे बिजाब। महाभारतआव लिरनाय जाथायफोरआबो गासिबो गोसोजों सानखॉनानै लिरनाय बाथ्राफोरा।

ख. युधिष्टिर भीममोनहाबो सानखॉनानै सोरजि जानाय। ग. बनि अनगायैबो नुनो मोनगोन, बनबासनि समाव भीममोनहा हिडिम्बापुरीआव पैयाखेमोन।

घ. महाभारतआव लिरनाय हिडिम्बा आरो घटतक’चआ हारियाना आरो राजस्थानआव राइजो जानाय मीना सुबुंफोरनि मोदायफोर। बिसोरखौ मीनाफोरा दाबोनो सिबिगासिनो दं।

ङ. मीनाफोरनि गुदि फोलेरनि सोमोन्दैबो बर’फोरनि गुदि फोलेरखौ लिरनाय बादिनो लिरनाय जादों।

च. हिडिम्बा आरो घटतक’चआ मोनसे समायावनो रोजा रोजा माइल गोजान जालायनाय जायगा हिडिम्बापुरी आरो हारियानाआव राइजो जादोंमोन होनोब्ला बियो गनायजाथाव बाथ्रा जानाय नड।

होमब्बालाय मानोथो बिदि लिरनाय जादोंमोन? सॉलुनाय सोमजिखांगोन। बे सॉलुनि फिननाया रेनो दि, बिदि बादि लिरनानै रोन होनाड जासे हिन्दुफोरा गासिबो भारतआव हिन्दु धोरोमखौ फोसावनो हादोंमोन। गासिबो राजा महाराजाफोरखौ हिन्दु फोलेरनि क्षत्रिय हान्जायाव सोनानै लानो खाबु मोनदोंमोन। बेखौनो जारिमिन लिरगिरिफोरा हिन्दुफोरनि बयनिखुइ गेदेरसिन आरो खामानियाव होनाय गोख्रोंसिन राजखान्थि होननानै गनायनो गोनां जादों। बिदिबादि सोलिनायखौ बर’फोरनावल’ खालायनाय जायाखैमोन। गुबुनफोरनावबो खालायनाय जादोंमोन। थफातआ बेनोल’दि, गुबुन सुबुंफोरआ गासिबो फुरा हिन्दु जाजोबनानै थांदों। नाथाय बर’फोरनि माखासेआ गावसोरनि गुबैथिखौ लाखिनानै दिनैसिम संसाराव राइजो जागासिनो दंबावयो।□

दिल्लीनिफ्राय इउपि आरो काश्मीरनिफ्राय पान्जाबसिम गोबां अखा हागोननि सांग्रांथि फोसावदों

गोदान दिल्ली, 3 अक्टबर : थानाय सानाव बोथोरा हरखाबै सोलायदों । दिल्ली एनसिआरनिफ्राय लानानै हादतनि माखासे राइज्योफोराव लान्थियै अखा हानाया सुबुंफोरनि जिउ खुं'नायखौ आबुडै गोहोम खोख्तैदों, जेराव फारसेथिं थानो हायो गरमनिफ्राय रेहाय मोन्दों, गुबुन फारसेथिं सहरनिफ्राय लानानै गामियारि ओन्सोलसिम दै लोमसावनाया सुबुंफोरनि जेनाखौ बांहोदों । बेनि गेजेराव बोथोर बिफानआ मिबथि होदोंदि, फैगौ साननैसिमाव बे बायदिनो थासारिखौ नुनो मोनगोन । काश्मीरनिफ्राय लानानै हादतनि मोन 17 राइज्योफोराव अखाखौ लानानै सांग्रांथि फोसावदों । आइएमडिनि गोदान आपडेटनि बायदिब्ला, सान्जा, खोला आरो सा-सोनाब भारतआव 8



अक्टबरसिमाव बोथोरा गात्रि जानायखौ नुनो मोनगोन । हादतयारि राजथावनि दिल्लीयाव बृहस्पतिबारखालि हानाय अखाया सुबुंफोरखौ गरमनिफ्राय रेहाय होदों । बबेखानि दिनैबो दिल्ली एनसिआरनि माखासे बाहागोफोराव अखा हानायखौ

नुनो मोन्नो हागौ, जायजों बिदुं खमायनायखौ थिसनो हागोन । बोथोर बिफाननि बुं'नाय बायदिब्ला, 7 अक्टबरसिम अखानि थासारिखौ बिब्दिनो नुनो मोनगोन । 4 अक्टबरखालि सान्जा इउपिनि माखासे जिल्लाफोराव अखा हानायखौ नुनो हागौ । आइएमडिनि गोदान

हमदांना मोन्नाय बायदिब्ला फोथार ओन्सोलावल' नड, हाजोयारि राइज्योफोरावबो अखा हानो हागौ । बोथोर बिफाननि बायदिब्ला, 4 अक्टबरसिम जम्मु-काश्मीर, हिमाचल , उत्तराखान्डआव सरासन्त्रानिखुइ एसे बांसिन अखा हानो हागौ ।

कमडिटि मार्केट गेवनाय लोगो लोगोनो सना आरो रुफानि बेसेनखौ दावख्लायायनाय नुनो मोन्दों

गोदान दिल्ली, 3 अक्टबर : दिनै कमडिटि मार्केट गेवनाय लोगो लोगोनो सना आरो रुफानि बेसेनखौ खम जानाय नुनो मोन्दों । मोन्नैखौबो गोबां दावख्लायायनाय नुनो मोनगासिनो दं, जेराव 1 किल' रुफायाव 2000 रॉनिखुइ बांसिन दावख्लायादों । फारसेथिं सनानि बेसेना 10 ग्रामआव 500 रॉनिखुइ बांसिन दावख्लायादों । बबेखानि एमसिएक्सआव फुंनि 9.32 रिंगायाव 10 ग्राम सनानि बेसेना 116,987 रॉआव सोलिगासिनो दं । बेवहाय दा 10 ग्रामआव 600 रॉं खमायदों । सनायाव दासिमाव 10 ग्रामआव 116,780 रॉजों ल' रिकर्ड बानायदों आरो 10 ग्रामआव 117,100 रॉजों हाइ रिकर्ड बानायदों । रुफानि बेसेना एमसिएक्सआव फुंनि 9:35 रिंगायाव मोनफ्रोम किल'ग्राम



142,633 रॉ सोलिदों । बेव मोनफ्रोम किल'आव 2087 रॉ दावख्लायादों । रुफाआ दासिमाव मोनफ्रोम किल'आव 141,961 रॉजों ल' रिकर्ड बानायदों आरो मोनफ्रोम किल'आव 143,051 रॉजों हाइ रिकर्ड बानायदों । दिनै

पाटनायाव सनाखौ खमसिम बेसेनाव मोनगासिनो दं । बेवहाय 10 ग्राम सनानि बेसेनखौ 116,870 रॉआव मोन्दों । बबेखानि भुपाल आरो इन्डौरआव सनानि बेसेना बयनिखुइबो बांसिन जानानै दं ।

बेवहाय 10 ग्राम सनानि हारआ 117.110 रॉआव सोलिगासिनो दं । नाथाय रुफाखौ पाटनायाव जोबोद खम बेसेनाव मोनगासिनो दं । बेवहाय 1 किल'रुफानि बेसेना 142,410 रॉआव सोलिगासिनो दं ।

मणिपुरआव रैखाथि हान्जाफोरा गिदिर एक्सन लादों



गोदान दिल्ली, 3 अक्टबर : मणिपुरआव रैखाथि हान्जाफोरा गोबां जाकुंसारनाय मोन्नो हादों ।

बेवहाय रैखाथि हान्जाफोरा मणिपुरआव होबथा जानायकुकि हान्जानि सासे गाहाइजों लोगोसे

साब्रै उतरखारिफोरखौ ग्रेप्टार खालामदों होन्ना पुलिस चुराचान्दपुर जिल्लानि एस

मुनुआमनिफ्राय चिन कुकिनि मिज' आर्मि (सिकेएमए) नि सायख'जानाय कामान्डार इन चिफ पाअखलेन गुइटेखौ जिम्मायाव लानाय जायो । मिबथिनो मोन्नाय बायदिब्ला, भारत-म्यानमार सिमना बारनायनिफ्राय हाथियारफोर आरो फेग्रा मुवा-बेसादनि फालांगि खालामनायाव गुइटेआ लोब्बा दंफायोमोन । रैखाथि हान्जाफोरा बिनिफ्राय गनै एखे- 47 राइफल, गुबुन गुबुन रोखोमनि गुलि बारुदनि 181 राउन्ड, 1 लाखनि नोगोद रॉ आरो गंसे कार बोखांनो हादों ।

बेनि अनगायैरैखाथि हान्जाफोरा बृहस्पतिबारखालि सोनाब इम्फल जिल्लायाव आलादा-आलादा जायगाफोरनिफ्राय होबथा जानाय पिपुल्स लिबरेशन आर्मिनि सानै मावफारियाफोरखौ ग्रेप्टार खालामदों । बिसोरो हायेन ओन्सोलाव इटा फेक्ट्रिनि बिगोमाफोर आरो सुबुंफोरनिफ्राय जर जुलुमै रॉ बोखांनायाव दंफायोमोन । बबेखानि पुलिसआ बुधबारखालि थौबल जिल्लानि पाइरिफकआव थानाय बिनि थाप्रा न'निफ्राय हान्जानि गुबुन सासे सोगोमाखाखौबो ग्रेप्टार खालामदों ।



इम्फल, 3 अक्टबर : (पिएलए) नि सा 4 पुलिसआ शुक्र बारखालि मिबथि होयोदि, मणिपुर हायेननि गुबुन गुबुन जिल्लाफोराव 36 घन्टानि अपारेशननि समाव होबथाजानाय रिभल्युशनारि पिपुल्स फ्रन्ट (आरपिएफ) नि आर्म्ड विं, होबथाजानाय पिपुल्स लिबरेशन आर्मि

(पिएलए) नि सा 4 मावफारियाफोरखौ रैखाथि हान्जाफोरा ग्रेप्टार खालामदों । ग्रेप्टार खालामजानाय सुबुंफोरनि गेजेराव गावखौनो पिएलएनि कर्परेल होन्ना मिबथि होग्रा सुबुं'बो दंफायोमोन । दाय जाबसिन्नाय बायदिब्ला बे हान्जाया थौबल दैमानि बोरियाव इटा भट्टानि बिगोमाफोर, सरासन्त्रा सुबुं'फोर आरो जिभारम खनिफोरनि लेबारफोरनिफ्राय जर जुलुमै रॉ लुथिदों । अपारेशननि गिबि खोलोबाव, इम्फलनि आरआइएमएस, देहा फाहामसालिनि खाथियाव मोगथां महर होदों, पुलिस

अरो रैखाथि हान्जाफोरा सानै पि एल ए/ आर पि ए फ सोद्रोमाफोरखौ ग्रेप्टार खालामदों, जायनि मुड कैयन पाइबम लकेन्द्र सिंह (58) आरो इन्द्रजित निंथौजाम (51) । सानैनि सायाव हायेन ओन्सोलाव इटा भट्टानि बिगोमाफोर आरो थागिबि सुबुंफेरनिफ्राय जर-जुलुमै रॉ लुथिनायनि दाय जाबसिन्नाय जादोंमोन । बिबानगिरिफोर गनै मबाइल फन, 1,010 रॉनि मोनसे पर्स, गनै आधार कार्ड आरो गंसे साखा खबत्रै गारि बोखांनो हादों । बिसोरनि फिन्नाय होनायनि सायाव पुलिसआ गुबुनफोरखौबो ग्रेप्टार खालामो ।

200 बोसोरआव आगान होनाय श्री श्री राजाठकुर दौल-मन्दिरआव जर'खायै दुर्गा फुजा खुंदों

बासुगाव, 2 अक्टबर: लालतारि गामिनि 200 बोसोरआव आगान होनाय श्री श्री राजाठकुर दौल-मन्दिरआव दुर्गा फुजाखौ जर'खायै फालिनाय जादों । लालतारिआ आथिखालाव कक्राझार जिल्लानि सालाकाति उफ्रा पुलिस बादानि सिडव थानाय मोनसे जारिमिनारि गामि । मख'नो गोनांदि, 1825 माइथायनिफ्रायनो शारदीय दुर्गा

फुजानि समआव दुर्गा मुर्ति गैयालासेनो फुजा सिबिथाइआ श्री श्री राजाठाकुर दौल-मन्दिरआव खुंजाबोगासिनो दं । सप्तमी आरो अष्टमी एबा साननै नाडै फुजा सिबिथाइआ फालिजायो । फुजानि सेथि सानखालि अधिबास थायो । अधिबासनि सानखालि फुं समआव गामियारिखौ गोथार

खालामनाय जायो । ब्राह्मनआ लारियै थाना मोन्थोर आवरयनानै गोथार खालामनायनि उनाव सा 5 बैराथिजों लोगोसे ढल-डगरजों नादांगिरि हाजोनि नादां बोराइ-नादां बुरै मन्दिरआव फैनानै फुजा सिबिथाइ बाउनानै हांख्राय हैनाय जायो । जायनि उनाव मोनाबिलि समआव ओन्सोलनि माखासे सिबियारि

राइजो-राजाफोरा फुजा फालिथाइआव बाहागो लायो । नैथि सानखालि एबा अष्टमी सानखालि फुं समआव फुजा सिबिथाइ फालिनायजों लोगोसे आगुआव सिबिनानै एबा गिबियाव सिबिथाइ बाउनानै जाफुंसारनाय सुबुं'फोरा फोथायथिजों बोरमा कासि, फारै, बातासा, धुप, प्रशाद, रं गथायनानै सिबिथाइ बाउयो । बेसमआव बोरमा-फारैफोरखौ देउरिया मुन्नायना बुथारनानै फुजा सिबिथाइ बाउनायनि उनाव माखासे बेदरफोरखौ लाखिनानै नख'रनो गथाय हरनाय जायो । बेबायदियाव धोरोमारि फोथायथि बायदिदै मोनाबिलिआव बेदरखौ प्रशाद महरै सिबियारि राइजो-राजाफोरा आजावना जायो । बेबायदिनो 200 बोसोर नाडै दोरोडारि महरै नेमखान्थिजों फोथायथिनि सायाव बिथा खालामनानै आलादा महराव दुर्गा फुजाखौ फालिनाय जादों ।

नाथाय फाकुवा एबा दौल फोर्बोंआव जोंगा-मागा रंजाथाइजों दौल-मन्दिरआव फालिनाय जायो । साननैनि हाबाफारिखौ जाकुंसारै आरो गोजोनै खुंजानायाव फुजा सामलाय आफादनि आफादगिरि अन्नराम बर्मन, नेहाथारि चन्दन बर्मन आरो देउरि(फुजारि) सैतेन बर्मन मोनहा गोसो-गोर्बोंजों गोजोन्नाय फोरमायनायजों लोगोसे साफ्रोमनिसिमबो साबायख'र बाउहरदों । ओन्सोलनि लाबदांगुरि गामिआवबो आदिबासि सावथाल हारिनि सुबुं'फोरा गावसोरनि गावारि महरै दोरोडारि खान्थिजों दुर्गा फुजाखौ फालिदों । फारसेथिं ओन्सोलनि बालागाव, तिनाली, सालाकाति, बिलाशपुर, कासिकत्रा, सिदली बायदि जायगानि अनगायैबो आफां आसामनि गेजेरावनो मुं थानाय चिरां जिल्लानि बासुगाव सोहोरआव गं 24 फुजा मन्डबआव जोंगा-मागायै

शारदीय दुर्गा फुजाखौ फालिनाय जादों । मख'नो गोनांदि, गंफ्रोमबो फुजा मन्डबआव लाइमोन जोलैनि हार्टश्रब जुबिन गार्गखौ मान बाउनाय जादों ।

अरांनि पाहरिपताआवबो दुर्गा फुजा खुंदों फुजा मन्डबआव जुबिन गार्गनि सावगारियाव मान बाउदों

उदालगुरि, 3 अक्टबर: उदालगुरि जिल्लानि अरां पाउरिपता लामायाव अरां पाउरिपता दुर्गा फुजा बान्जाय आफादनि बान्जायनायावबो गाजा-गोमजायै श्री श्री दुर्गा फुजाखौ थानाय 28 सेप्टेम्बर हरनिफ्राय 2 अक्टबरसिम फालिनाय जादों । मख'नो गोनांदि, बे फुजा खुं'नाय जायगायाव अरां समुवागावनि हरेन दासनि फिसान्ला सुबुं लुफुंथाइ बिफान (पिडब्लिडडि) नि जे.इ. निपु दासआ सावगारि बोनाय सावगारिया फुजा खुं'नाय जायगाजों लोगोसे फुजाआव



सिबिथाइ लानो फैनाय राइजो-राजाफोरनि गोसोखौबो बोनो हादों । सावगारि बोनायाव जुबिन गार्गनि फट'जों लोगोसे हार्टश्रब, अनामिका, माया, यन्त्र, मा-देउता, मन जाइ, नायक, चिकार, चिला, हिया दिया निया, रैरै बिनाले, मायाबिनि बायदिफोरखौबो मख'नाय

जायो । बृहस्पतिबारखालि दुर्गा फुजानि दशमी सानखालिबो जुबिन गार्गनिसिम अन्सायगिरिफोरा मान बाउदों । लोगोसेनो अरांनि देंखोगिरि आशा शर्माजों लोगोसे बान्जायगिरिफोरा जुबिन गार्गनि देंखो रोजाबनानै जुबिन गार्गनिसिम मान बाउदों ।

धुबुरि गौरिपुरनि गदाधर दैमानि गाथोनआव सासे आइजोनि गोथै देहा बोखांदों

धुबुरि, 3 अक्टबर: धुबुरि जिल्लानि गौरिपुर राजाफोरनि हेफाजाबआव गोथै देहाखौ बोखांनो हायो । दैआव गोजावनानै थानाय गोथै देहाखौ सासे आइजोनि होन्ना मिबथिनो मोन्नाय जादों । थानाय थासारियाव सासे आइजोनि गोथै देहा बोखांनो हनाय जायो । मिबथिनो मोन्नाय बादिब्ला, शुक्रबार फुंनि समाव ओन्सोलनि राइजो-राजाफोरा गदाधर दैमाजों गोथै देहा बोहैबोनायखौ नुसन्नानै ओन्सोलनि थानायाव खौरां हरो । उननि समाव जाथाय सालियाव पुलिस बिबानगिरि ज्यती प्रशाद दासजों लोगोसे पुलिसनि मोनसे हान्जाया नुजाथिहैनानै राइजो-

राजाफोरनि हेफाजाबआव गोथै देहाखौ बोखांनो हायो । दैआव गोजावनानै थानाय गोथै देहाखौ सासे आइजोनि होन्ना मिबथिनो मोन्नाय जादों । थानाय थासारियाव सासे आइजोनि गोथै देहा बोखांनो हनाय जायो । मिबथिनो मोन्नाय बादिब्ला, शुक्रबार फुंनि समाव ओन्सोलनि राइजो-राजाफोरा गदाधर दैमाजों गोथै देहा बोहैबोनायखौ नुसन्नानै ओन्सोलनि थानायाव खौरां हरो । उननि समाव जाथाय सालियाव पुलिस बिबानगिरि ज्यती प्रशाद दासजों लोगोसे पुलिसनि मोनसे हान्जाया नुजाथिहैनानै राइजो-

No.A/BKD/Tender/918-20

Date 03/10/2025

NOTICE

It is for general information to all concerned that the tenders received on 28/08/2025, 15/09/2025, 16/09/2025, 18/09/2025 & 19/09/2025 will be opened on 04/10/2025 at DFO Office Mushalpur.

In case the fix date falls in Govt. holidays or any other unavoidable problem thereof, the date of opening of tender will be on next working days at the same time and same venue. The terms & conditions will remain same as published earlier sale Notice dated.08/08/2025, 14/08/2025 and 25/08/2025.

Sd/-
Divisional Forest Officer,
Baksa Forest Division, Mushalpur

IPR(BTC)/C/2025-26/2940

No. e. DME/UG/2025/663865/

EDUCATIONAL NOTICE

3RD ROUNP ONLINE COUNSELLING FOR ADMISSION INTO 1ST YEAR MBBS/BDS COURSES IN THE GOVERNMENT MEDICAL & DENTAL COLLEGES OF ASSAM, FOR THE SESSION 2025

This is for inform Hon of all concerned that the 3rd round Online Counselling for Admission into the vacant MBBS/BDS seats in the Government Medical and Dental Colleges of Assam for the session 2025 under State quota seats is going to be held under this Directorate. Candidates who have qualified in the National Eligibility cum Entrance Test (NEET-UG-2025) conducted by National Testing Agency (NTA) may participate in the Online counselling provided they fulfill all eligibility criteria mentioned in the "The Medical Colleges and Dental Colleges of Assam (Regulation of Admission into 1st year MBBS/BDS courses) Rules 2017 (A nended upto 2025), as well as meet the cut-off score in NEET-UG-2025.

Online Portal for registration will be available at the official website of this Directorate from 06/10/2025 to 09/10/2025 (11:55 PM). The candidates who have already registered and participated in Round 1& 2 state counselling need not register again and shall be able to take part in the Online choice filling of 3rd Round of Counselling for fresh allotment or change of College. After completion of Online Registration process, Online Filling of Choice will be available from 10/10/2025 to 13/10/2025 (10:00 PM), Locking of choice will be available on 13/10/2025 (5 PM to 11:59 PM), after which the choice will be locked automatically if not locked earlier by the candidate. Processing of seat allotment will be from 14/10/2025 to 16/10/2025. After processing the data, the result will be displayed along with modalities of admission on 17/10/2025. The provisionally selected candidates shall have to get admitted in the respective allotted institutions as directed between 21/10/2025 to 22/10/2025.

Sl.	Schedule	Date
1	Online Registration	06/10/2025 to 09/10/2025 (11:55 PM)
2	Online filling of Choice	10/10/2025 to 13/10/2025 (10:00 PM)
3	Online Locking of Choice	13/10/2025 (5 PM to 11:59 PM)
4	Processing of Seat Allotment	14/10/2025 to 16/10/2025
5	Result	17/10/2025
6	Reporting/Joining	21/10/2025 to 22/10/2025

It may be noted that candidates who joined/holding a seat in any of the Medical Colleges/Dental Colleges of India upto Round 3 of counseling, session 2025, shall not be eligible for participating in further rounds of counseling.

Candidates are directed to visit the official website of this Directorate regularly for updates.

Sd/-
Director of Medical Education, Assam

DIPR/D/BSA/191/4-Oct-25

LOST

I have lost my HSLC (Class-X) Admit card bearing Roll No: 0289, Centre: B13-106 Tukrajhar, UID: 10201697 and bearing Registration No: 04RP005141349511.

If somebody has found it please send to following address given below:-

Mr.Erakdao Basumatary
D/O- Vincent Basumatary
Mother- Soroni Basumatary
Vill- Ouguri
P.O.- Ouguri
P.S.- Auguri
Dist- Chirang
Pin- 783394
Contact Number: 8473876235

बर'फोरनि गिबिसिन बिस्वप नित्यानन्द बरगयारिनि गोथार श्राद्ध हाबाफारि

कक्राझार, 3 अक्टबर: बर'फोरनि गिबिसिन बिस्वप एबा मुलुगनाझरि जाफुंसार जानो हानाय खृष्टीयान धोरोमगुरु रेभारेन्ड न्यानन्द बरगयारिनि गोसोखांथियाव दिनै साबायख'र बाउनाय हाबाफारि आरो गोथार श्राद्ध हाबाफारि खुं'नाय जायो। कक्राझार जिल्लानि बालाजान तिनालनि साखाथियाव थानाय गौरां मिसननि गेवलां गेलेग्रा फोथारान खृष्टीयानफोरनि नेमखान्थिजों धोरोमगुरुनि गोसोखांथियाव साबायख'र बाउनाय हाबाफारि आरो गोथार श्राद्ध हाबाफारिखौ खुं'नाय जायो। हाबाफारि बायदिथै गौरां मण्डल आफादगिरि सिमसन मुसाहारिआ बराय बिबुंथि लाखियो। बेनि उनावनो रेभारेन्ड पियारि मुसाहारिआ साबायख'र बाउनाय हाबाफारि दैदेनो। हाबाफारियाव बायबेलनि स्लकखौ रेभारेन्ड बजेन बर्मनआ फरायनानै होयो आरो समिसन बसुमतारिआ बर'रवआव आरो रेभारेन्ड जेम्स सेरेनआ सावथारि रावआव फरायथिनानै होयो। बेनि अनगायैबो गोबां बिबुंथिगिरिफोर रेभारेन्ड बिस्वप नित्यानन्द बरगयारिनि जिउमा आरो जाफुंसारनायनि हायाव बिबुंथि लाखियो। बेनि गेजेराव एनइएलसिनि मदरेटर रेभारेन्ड बिस्वप इसिलास बसुमतारि, एनइएलसिनि नेहाथारि इस्माइल मुर्मु, बिबिसिएनि गाहाइ नेहाथारि ङ अर्जुन बसुमतारि, बिइएलसि



बिस्वप इसाहाक मुसाहारि, एलडब्लिउएसनि सामलायगिरि कि सर कु मार नाग, गौरां सार्कोलनि आफादगिरि पनिन्द्र बरगयारिजों लोगोसे गोबां जर'खा सुबुंफोरानो सोगोंयारि रेभारेन्ड बिस्वप नित्यानन्द बरगयारिनि सोमोन्दै बिबुंथि लाखियो। बेजों लोगोसेनो जिउ गोमानाय नख'रनि सुबुंफोरनि जानानै पाडार कुलान्द इसामिआ आर'ज गाबो। हाबाफारिनि गेजेर गेजेर जर'खा आर'ज मेथाइ रोजाबनाय जायो आरो जोबथारनायाव रन्जिता कृस्ती बरगयारिआ बयनिसिमबो साबायख'र बाउयो। दिनैनि बे हाबाफारियाव एमएलए लरेन्स इस्लारि, एमएलए जिरन बसुमतारि, एबसुनि लोगो आफादगिरिखोरोमदाव औवारि, बिटिसिनि एमसिएलए जेम्स बसुमतारि, उइलियाम बसुमतारिजों लोगोसे गोबां सुबुंफोरानो बाहागो लायो।

दिनैनि हाबाफारियावनो नित्यानन्द बरगयारिनि गोसोखांथियाव गांसे गोसोखां लाइसिबो दिहुन्नाय जायो। मख'नो गोनांदि, सान्श्र'हायै आंगोफोरखौ सोगाबलानानै थांनाय 22 सेप्टेम्बराव गुवाहाटीनि गंसे गावआरि फाहामसालियाव बर'फोरनि गिबिसिन बिस्वप एबा बालाजान तिनालनि माइनावबिलिनि थागिबि नित्यानन्द बरगयारिआ जोबथा हां बोदोंमोन। नित्यानन्द बरगयारिआ खृष्टीयान समाजआव हादरजों लोगोसे गुबुन हादरावबो सिनायजानायमोन आरो आमेरिकानि गंधाम गिरायाव पेस्थर बिबानाव सामलायनायजों लोगोसेनो डेनमार्क, नरवे, सुइडेनजों लोगोसे गोबां गुबुन हादरफोराव धोरोमारि हाबाफारिफोराव बाहागो लानो थाखाय दावबायहैनायनि

अनगायैबो लज एन्जेलआव खुंजानाय धोरोमारि जथुम्मायाव खेबनै भारतखौ दैदेन्दोंमोन। बरगयारिआ असमिया, बर', इंगजी रावआव गोबां खृष्टीयान धोरोमानि बिजाब रस्सायलांबाय। मुलुग गोजोननि थाखाय खामानि मावग्रा सैथो आरो गोथार लामाजों जिउ खुं'नो बोसोन होग्रा, सोलोंथाइखौ गिबिसिन गोनांथि होग्रा, धोरोमारि सोलोंथाइनि फोसावगिरि आरो फोसावग्रा सोलोंथाइ फसंथान सोरजिनाय खामानियाव गावनि गासै जिउमाखौ बाउसोमनाय नित्यानन्द बरगयारिनि गोसोखांथियाव दिनै सानसेनि मेहेरगोनां हाबाफारिनि गेजेरजों गौरां मिसनआव खुं'नाय गोथार श्राद्ध हाबाफारियाव जाति, हारि, धोरोम, राव बासियालासेनो गोबां सुबुंफोरानो बाहागो लायो।

दाजाब दानख'

दाजाब दानखखौनो लाना थायो जों आला-खाला जाना थैनाय, थांनाय, दुखु दाहा सुखु गोजोन, गाबनाय मिनिनाय, बुलाय, सुलाय, बेराम देहा, सुखुनि देहा, देखोनि जिउ, सिमांनि जिउ बेफोर गासैबो जोंनि दाजाब दानख'सो। बेवहाय जोंहा समाय नांगौ, दुखु मोननांगौ गैया बहुमारिफोर। थै बहुमारिफोर दाजाब दानख'ब्लाबो, जों मोनसे लामाजोंनो थांदो जायलामानि थाखाय जों साननानै दुखु मोनब्लाबो जों बे लामाखौ नागारनो हाखाया नागारनो सानब्लाबो, बहुमनि, दाव, जिब, एमफौ, बिफां-लाइफां जों गासैथो मानोबा बे मोनसे लामाखौ लानानैनो नारा-नाथा, मानोबा होंगो-दोंगो दाजाब दानख' जानानै दसे। बे संसारनि साथा बहुमाव।

रातुल बर'
गामि- कलह बारी
ला:सो:- आथियाबारी
जिला- बागसा बि टि सि आसाम।

इशोर

इशोर आं नोंखौ खुलुमो सिबियो अराय सम अराय दिन गले गले। आरज गाबो आं सम सम नोंखौ गोसोखां गोसोखां फुं मोना। हास्थायो आं नोंखौ मोन्नो अराय खाथियाव। लुबैयो आं नोंनि

दुखुनि हांमा

मानो नागार लांखो नों समायना.... ? खोथा गैया बाश्रा गैया दाय गैया फोदै गैया नेवसि लांबाय नों आंखौ अन्थाइ बिखायै। इसेल' नडमोन आंनि नोंखौ अन्नाया नंखाइ नडमोन आंनि नोंखौ हास्थायनाया खेला नडमोन नोंखौ मोजं मोन्ननाया। बै समनि नोंनि बुंनाय रावखौ गोसो खाडै-खाडै सान हर मेगनाव मोदै खुगायाव खुदै सोमजि होबाय नों दिनै नाथाय नोंबो इसेबां गिदिर समाय लानायखौ गियाखिसै नामा... ? नेवसिनो सानोब्ला मानोथो मोजं मोना समायना... ?? नों आंखौ अन्थाइ बिखायै नागारलांबाय समायना..... !!! गालांबाय नों आंखौ बे संसाराव हारसिडै रावबो गैला आंहा बे संसाराव आंगो होननाय.....!!!!

श्री देरहासार ब्रह्म
गामि- गसाइगाव मालागुरि

अन्नाय आरो अनसायनाय अरायबो नोंनिफ्राय। अनसायहरदो गसाय नोंनि थायनै मेगनजों आंखौ नायहरनानै। लानो होदो गसाय नोंनि खाथियाव आंगो गोजोन देरा।

अभिनास बसुमतारी
सामथाइबारी।

रंजालि गथ'फोरनि सौरा

दाबोनो दं

नोंनि महर

गोर्बोंनि एलबामआव रोखायै सैनानै दं।

बै अरन सेरफाडव

नोंजों आंजों गोदोना गोबालायना

माला सुजुनाय दाबोनो दं।

आखायनि लावजें आसिफोर

खानायनि मोदोमफ्रु मोदोमनाय

नोंनि लाइमोननि फिथिखा बिदैया दाबोनो नांथाबना दं।

जारौ गुसुथिनि मिनिनाय

लाजिस्तु बेरखां मेगननि इसाराजों

गावखौ बजबनो थिन्नाय गोसोखांथिफोरा दाबोनो दं।

नागिरो दाबोनो

नोंखौनो जेरेंथिंबो हुरा-हुरा

नोंखौ हास्थायनाय बिखायानो दिनैबो नेनानै दं।

गलाप खुंगुर बसुमतारी, क'क्राझार।

खश्थाय लिरदों आं मा मुं दोननो

गोलाव ओंथि गोनां खन्थाइनि

बिलाइआ लिरै लिरै आबुं

जाबाय रेबगननि सियायिजों,

सानै सानै सानगोमाबाय आंनि

सानग्रोमथिया।

गोरबोआव गोनो-गोथोनि दोहौआ

गोसोखौ बुरखायख' हायै दाहाजों

सोगाबदों

खन्थाइ लिरदों आं मा मुं दोननो

खन्थाइ लिरदों आं मा मुं दोन्नो

नागिर बायदों आं जावलियाबादि

ओंथि गोनां खन्थाइनि मुं।

खामगिलदों गोरबो बिखा

दुफु-दुफु हाथफलाबायदि।

मुन्नि सोरां खेरकातारि
बाकसा, जेरेंपारा

मेगननि नोजोराव

आंनि मेगननि नोजोराव

नों दिनै बारसे समायना गलाप बिबार,

रोखोम रोखोम बिबारफोरनि गेजेराव

खालामदों गोसोखौ आंनि नोंनो बोदोर।

सिखिरि मानसिनि मेगनाव

दानांथों हायना नोंनि महर,

सानो लाखिनो नोंखौ अराय गोजानाव

जायो गोसोआ आंनि अराय हांखुर।

आबुंङेजायगा आवग्रिबाय गोसोनि दन्दराव

नोंनि रावजोंबो रुजुजायै रैदुब सोलेर,

समायहोगोन नोंनो आंनि जिउआव

जागोन अननायाबो नोंनि गोथार।

सानस'हायै गोसोआ नैबे मुलुगाव

नुवाखिसै नोंनिबादि समायना महर,

गोसो मेगना मेग्लिनाय मोनो सोलेराव

फैयोबोला नों सारफावना आबिर।

निजोम बर'
पच्चीम पानेरी, उदालगुरि

बिग्रायारि

नै बिग्रायारि सुबुंफोर

अराय दिन दागेलेसै नोंसोर,

गोसोम गोसोनि साननायजों

समाजखौ खोमसि खालामनो दानाजासै।

नाजादो गोसोम गोसोखौ नेवसिना,

जुनाद आखुनि सुबुंफोरखौ खारहोना,

गाव गावनि गुन गोनां आखुजों

दोबैलानाय समाजखौ गोख्रोङे दाफिनदो।

नै बिग्रायारि सुबुंफोर

खौसेयै बिग्रायखांदों बयबो

हादरनि उदांप्ति लाबोनो

हारिनि सिनप्तिखौ गोख्रोङे दानो।

मुप्ति दौलिं ब्रह्म
दतमा गोजोसिन हौवासा फरायसालि
गामि- दतमा, श्यामधरपारा

सानरिखि

मिलौदो बांसनि देंखोजों

नोंनि हायनारि महरखौ आं गाबज्रिहरो,

सोजिंलु अखां गंसे अननायखौ

गोर्बोंनि सानरिखियाव नों मोनदांगोन।

अर्बनि रिफिनायखौ नेबाय थायालामै

सायख'बाय नोंखौनो असे लोगोरि,

सुबुरुनखौ फोथाना लाखिनायाव

नों उरफिनना थानो मोननाय नड।

गामसि साग्लोबनाय सरगाव

हारसिडै आवगायलानो दानाजा,

सानाय गैयै लेवारजों थै सोबजायोब्ला

सोलेरनि लोरबांथिया बारायसिनगोन।

फुंखा गोमाजानाय अननायखौ लानानै

नंखाय फावथिना गेलेनो दानाजा,

सोदोबनि जिलिदजों जखम खालामना

सिखारि खालामोब्ला फाप नांगोन।

निजोम बर'
पशिसम पानेरि, अदालगुरि

उदां बोथोरनि बिलिरनाय

उदां बोथोरनि बिलिरनाय

दुफां बोथोरनि बार

अरआ गोजों खामो

सानबिबारफोरा गर्सना दं

गोग्गाथाव महर लायो

बारआव बिरनाय बिलाइफोरा

सबिराम बसुमतारि
राबां, बागसा

सिरिनाय बिबार

बेसे गोजोन बेसे सुदेम

फुंबिलिनि जारौ सानजों

हायना आबिर सारफावनानै

बारगलांयो नों मिनि बाला बाला

मिजि हाथासि लामायाव..... !!

नागिरदों रोबैनि सेर सेर

जिरायनाय गैयै

थाद%नाय गैयै....

गुवार मुलुग बिखायाव

सुबुं संसारनि अननाय..... !!

गोजाव होजानाय दाहाराव

दिखार नांनाय गोसो लानानै

रंजालु बिबार बे बुहुमाव

बेसेबा खाफाल नोंनि जोनोमाव

मिथि मोनै बे संसाराव..... !!

रोबां रोबां रोजासे बिबार

गावजों बुंफबनाय हाजासे,

जेब्ला लिरनो लायो खन्थाय

आगान्थाभावनो गोमोर हैबाय

बेहेर बारिनि हाक्क गेजेराव..... !!

साननि समनि लायमोन-जौमोन

गोरबो गोसो इसिंआव

अरायबो मानिबा जाहोनाव

हांमा सुरदों सानबोलावरियाव

फुरगेब जालांदों..... !!

समायना गुफर ,गोजा-गोथां

हानाय नड नामा आंलाय

गोसोआव नों मानो थालाडो

गोरबोनि जिख्ताबसे खन्थाय फैसालियाव

मोकथां महरै नुजाहोनो..... !!

- प्रबिन बसुमतारि
गामि - पुर्व डमगाव, चिरां

“मह'न चन्द्र मोसाहारीनि जिउ खौरां”

प्रसन्न बसुगतारी

बाथौआ एबा बाथौ

धोरोमा जाबाय मंगिलय’ एबा बर’ समाजनि गेजेराव गोदोनिफ्रायनो सोलिबोनाय गाहाय धोरोम। आधिखालनि साफ्रोमबो बर’फोरा गुबैयै बे बाथौ धोरोमखौ बायदि रोखोमे फुजा फोरबो खालामबोगासिनो दडो। नाथाय साफ्रोमबोनि थाखाय बे मोदाय एबा इसोरा सासेयानो। बिथाडनो जादों स्वयं ब्रम्हा, बिष्णु आरो महेश्वर साथामजों गोरोबनानै सासेल’ इसोर जाय इसोरारि गियान एबा शक्तिनि गोहोजों बे गेरेमसा बुहुमा सोरजि जादों।

जों बे गेदेमा सोरजि गिरिनि मुंखौ गोसो खानायनि थाखाय एबा फुजा खालामनानै गसाइखौ मोन्नो गोनांब्ला जों गिबियावनो गुरु दिक्षा एबा गुरुखौ मानिनानै लाग्रो नांगौ। मानोना गुरनि गेजेरजोंसो गसाइखौ एबा इसोरखौ मोन्नाय जायो। जाय गुरुआ जोंनो धोरोमनि लामा दिन्थिनानै होनो हायो बोइ गुरुनि बोसोनखौ खर’आव रुजुन्नानै जों इसोरनि बोर मोन्नो हायो।

बे बायदियैनो सासे गेदेमा गुरु महरै जों मानगोनां मह'न चन्द्र मसाहारि गुरुखौ गोसो खानो हायो। बिथां आफा गुरुनि जोनोमा जादोंमोन 1959 मायथायनि साउन दानि 7 खालारै पाटसालानि कतहकुसि मुनि गंसे फिसा बर’ गामियाव। बिथानि बिफानि मुझ तंसिल मसाहारी आरो बिमानि मुझ माइनु मसाहारि। बिथानि बिफां तंसिल मसाहारीया जोबोर नोरोम आबुनि मानसिमोन। बिफा बायदिनो मानगोनॉं आफा गुरु मह'न आबो जोबोर गुरै आखल आबुनि सुबुंमोन। बिथानि बिमाया सासे इसोर सिबिसुलि एबा इसोरनि फारसे गोथौ फोथायग्रा आयजोमोन। नाथाय बियो बोलि बिधानजोंसो फुजा फोबोंखौ खुंनायमोन। गेदेमा गुरु मह'नआ नाथाय बिमानि बेफोरबायदि बोलि बिधानजों फुजा खुंनाय खान्थिखौ उन्दैनफ्रायनो जोबोर हें था होबोगासिनो दंमोन जाउनाव बिमा अनसुलिया (अनसुलि बिमाया) उनावहाय फिसाज्ला एबा आफा गुरुनि हेंथा जाउनाव बिमा अनसुलिया (अनसुलि बिमाया) उनावहाय फिसाज्ला एबा आफा गुरुनि हेंथा हेंसिखो हमदां-हानानै आरो फिसाजोलानि आसार–खान्थिखौ मोनदांस’ हानानै बिथाडनबो बोलि बिधानजों फोबों खुं'नाय हुदाखौ नागारनायसै। लोगोसे आफा गुरुआ, जौ, सेरेप फोरखौ फोबों समाव एबा फोरबो खुंनाय समाव जौ, सेरेप, थांखु बिड़ि बे फोरखौ सोलिनाया आधिखालनि गोदान मुगायाव जोबोर लाजिनांथाव हुदा होन्नानै सों'खारिनाइजों लोगोसे फोबोंखौ खुंनाय समयाव बेफोर गात्रि हुदानिफ्राय आनब्रायना थानो हांखायनाइजों लोगोसे बिथोन होलादोंमोन। गेदेमा गुरु मह'नआ उन्दै बैसोनिफ्रायनो फरायनाय, लिरनायाव जोबोर गोसो गुदुमोन। नाथाय नखरनि थासारिया एसेबां मोजां नडैनि थाखाय फरायनाय जिउखौ एबा

लामाखौ जाफुंसार होजोबनो हायाखैसै। बिथाड कत'हकुसि गणक पुखुरि मुंनि फरायसालियाव गुदि सोलों'थायखौ जागाय जेन्नानै थाखो गुसिम गोजौ फरायसालिखौ फरायदोंमोन। आरो बिथाड हिन्दि आयदायाव पि.इउ. आनजादखौ उन्थि दोंमोन। लोगो लोगो बिथाड फरायनाय लामाखौ एंगारनो गोनां जादोंमोन। नाथाय बेवहायनो गोजेन्थाव बाभ्रादि बिथाड 17 बोसोर बैसोआव सेरि कालचार बिफानआव साखि मोन्दोंमोन। साखि मावफुनाय समावनो बिथानि सोलेराव मोनसे सोमोनांथाव साया-माया नुजाथिदोंमोन। साखि मावफुनाय समावनो उनाव गुबुन महराव सोलायलांदोंमोन। खाथि खालानि गासैबो सुबुडनो बिथानि बेबादि महरखौ नुनानै गोमोहाबनो गोनां जादोंमोन। बिमा बिफाया हमदांस’ हायियाव गोबां बेबादि महरखौ नुनानै गोमो हाबनो गोनां जादोंमोन। बिमा बिफाया ह मदांस’ हायियाव गोबां डाक्टर, अजानि हे फाजाब लादोंमोन। नाथाय जेसेबानो अजा, डाक्टर लगायदोंमोन एसेबानो बिथाड गोबांनिफ्राय गोबांसो जालांदोंमोन। आरोबाव गोबां दुखुनि बाभ्रादि, बिथाड लासै लासै लोर–सोर खालामनो हायि जालांदोंमोन। फ्राय दानथामसो बारलांनायनि उनाव बिथानि सोलेराव मोनसे गोमोथाव सोलायनाय सानसेखालि हराब सिमाडव बिथान्जों साया माया सयं इसोरा नुजाथि फैनानै बाइदि बाइदि गोबां गियाण फोरों'नानै होलाडो। बिथानि नआवनो आफा शिबनि गोथार बाथौसालि गंसे दंमोन। हराव आफा बोराइ बाथौ अबं गसाइआ फोरेंलांनाय बिथोन बायदियै फुडव सिरि मोन्न्नानै मानबाय मानबाय थानसालिसिम एबा बाथौसालिसिम थानानै आफानि मुडै धतआव बाउनाय दैखौ खेबथाम लोंहैनायसै। नाथाय मादि इसोरनि गोमोथाव गोहो, दैखौ लों'खानायनि दान्दिसे उनावनो बिथाड फ्राय मोजां लामायाव फैनायसै। बे बायदिनो सान्नैसो बारलांनाय उनाव बिथाडा साखिआव थांफिन्नायसै। बिथाडा गंसे क'वाटर आव थानो लादोंमोन। सानसेखालिनि बाभ्रा सासे बैरगिा फैनानै बिथानि क'वाटरआव नुजाथि फैनायसै। बिथाड बैरगिजों उफ्ते–उफ्ते धोरोमनि सोमोन्दै बायदिसिना बाभ्रा सावरायज्लायदोंमोन। आरो जोबथारनायाव बिथांखौनो दिक्षा गुरु महरै आजावनो बुं'फोरथिदोंमोन। अदेबानि नाथाय बैरगिया बिथांखौ दिक्षा होनो राजि जायखिसै। बिनि उनाव, सानसेखालि बैरगिआ बिथांनो आस्रमनि नेमखान्थिफोरखौ बुजायनानै होदोंमोन आरो बुंदोंमोन– “ओइ फिसा, नोंखौ आं दिक्षा होनो हानाय गोहो गैया मानोना नों न्वखरनि (न्बनि) आस्रमाव थानानै बाथौ धोरोमनि गेजेरजों आधिखालनि जायफोर गात्रि आषार खान्थिनि गेजेरजों बाथौ धोरोमनि आषार खान्थिआ सगलोबसारदों, बोइफोर नेम

खान्थिखौ गैयै खालामनानै गोदान महर होनो हानाय गोहोआ नोंनिआवनो दड'। बेनिखायनो बाथौ धोरोमनि गात्रि आषार खान्थिखौ गैया खालामनानै सुद्ध एबा सैथो गोथार आषार खान्थिनि गेजेरजों सुबुं माहारिखौ फोजाखांनो नाजा, बेनो जागोन नोंनि मंगलिय माहारिनि एबा बर' समाजनि गेजेराव गोग्गो गोथौ इश्वरनि बोसोन” बाउदोंमोन। बिथाड बैरगिनो हाजासे गोसो गोरबोनि मान बाउनानै बिदाइ होदोंमोन।

गेदेमा गुरुआ संसारनि फारसे एसेबो खालाउ–खासाउ, गोसोनि लुबैनाय गैयामोन। बिथाड जिउआव हाबा लाया होन्ना बुंदोंमोनब्लाबो बिमा बिफानि बिथोनखौ नेवसिनो हायैआव र'निमा मुंनि बरखुंखि गामिनि सासे समायना सिख्ताखौ हाबा खालामनानै संसारनि लामायाव आगान सुरो। बिसोरनि गेजेराव सासे फिसाजो आरो सानै फिसाज्ला जोनोम जायो। साबा सुबुंनि नख'रखौ सालायलांनायनि गेजेरजोंनो बिथाड जिउनि गोबां हेंथा–हेंसि, बेले–बेजेखौ नेउसिनानै गावनि मावनो गोनां खामानि आरो धोरोमखौ फोसावबोनायजों लोगोसे जिउ जोबजासिम फोसावगासिनो दड्मोन। बेवहायनो फंसे जोबोर दुखुनि बाभ्रादि बिथां गेदेमा गुरुआ धोरोमनि थाखायनो अब'थिरा साख्रिनिफ्राय आनब्रायनो गोनां जादोंमोन। धोरोमखौ फोस्रावनो, सुबुं समाजखौ उदाडै सिबिनो थाखाय आगोमा साख्रिखौ नेवसिना नाजाबोगासिनो दंमोन गेदेमा आफा गुरु मह'नआ गावनि बिंसि फिसानि सात जाल्ल'खौ सहायनानै। गेदेमा गुरुनि धोरोमारि जिउनि गोहोमा सिमना गैयैमोन। 1980 मायथायनिफ्राय जिउ जोबजासिम धोरोमनि फारसै गोथौ आरो गोग्गो फोथायनाय लाखिनानै सिबिलांदोंमोन। बिथाड धोरोमनि मुडव ब्रद थानाया जिउ जोबजासिम स्नि बोसोर जाबायमोन। बिथाड न्वा, बेदरनि बाभ्राखौथ' जायाबो–गोसोबो खाडमोन, लोगोसे ओंखाम, रुटिफोरखौबो जानो नागारदोंमोन। सरासनस्रयै गोथां फिथाय सामथाय, गायखेर फोर खौल' जायो लोडोमोन। आरोबाव गोमोथाव बाभ्रादि बे स्नि बोसोरनि गेजेरावनो फ्राय दानथाम आवा गायखेर लॉनानैल' थादोंमोन। थेवब्लाबो बिथाड गोखों देहानि राफोद गसाइ सिबिसुलामोन। गेदेमा गुरुआ बिथानि आंगो न्वआवनो अबं गसाइ शिब, कामाख्या, गंगा, सरस्वती, बिस्वहरि, सिरि आलिनि मोदाइ मोदाइजो, गाम्बारि आरो माइनाव बोराइ बुरिनि आबुं महर गोनां मोदाय मोदायजोनि बाथौ थानसालि (बाउसालि) गायस'न्नानै बाथौ धोरोमखौ फालिबोगासिनो दंमोन। बिथानि धोरोम फोस्रावनाय आसार खान्थिआव गोबां सुबुंफोरानो मोजां मोन्नायजों लोगोसे गोबाना लादोंमोन। बे बायदिनिो बिथाडा गावनि गोसोजों धोरोमनि मुडव 24 बोसोर बैसोनिफ्रायनो खेराय

माराय मोसानाय बायदिजों धोरोमनि आसार खान्थिखौ गोसो–जिउ बाउनानै गावखौनो इस्वोरनि सेराव गोसो जिउ बाउनानै सोलिबोनायजों लोगोसे सुबुं समाजाव स्वार्थ गोयै गोसोजों गसाइखौ सिबिनो लामा दिन्थिबोगासिनो दंमोन। गेदेमा गुरुआ बे बायदियैनो फुजा फोबों खालामबोनायजों लोगोसे गसाइनि बिथोनखौ खर'आव रुजुन्नानै गोबां मानसिफोरखौ बेरामनिफ्राय बारग'होनो हादोंमोन। जेब्ला मानसिफोरा बेरामनिफ्राय राहा मोन्नायनि बाभ्राखौ मिथिदोंमोन, अब्लानिफ्रायनो लोब लोब सुबुंफोरा आफा गुरुनि सेराव फैनानै धोरोमनि दिक्षा लाफैदोंमोन लोगोसे गोबां दुखु दाहानिफ्राय बारग'नायनि राहा लामा मोन्दोंमोन। बिथाड बेराम फाहामदोंमोनब्लाबो बेरामिनो अजाफोरबादि मुलि, ताबिस होफेराखैमोन। बिथाड गसाइनि मुंआव बाउनाय थुलुसि बिलाइ, बेर बिलाइ, जाभ्रासि बिलाइ, बिबार, बाउनाय मुवाफोरखौनो बेरामिनो जानो होदोंमोन। बेबायदिनो गोबां मानसिआ गुरुनि बोसोन बायदियै इसोरनि सेराव गोथौ फोथायनाय लाखिनानै मोनसेल' गोसोजों इसोरखौ सिबिनानै गोजेन्नाय मोन्नो हादोंमोन। जायफोर सोलोंसाफोरा आफा गुरुखौ हां'खायोमोन, गेदेमा गुरुआ सोलोंसाफोरनि न्वखर न्वखर थानानै इसोरखौ आरज गाबनायनि थाखाय बाथौनि थानसालि गायसन्नानै होदोंमोन

सुंद' सल' धरायना फिलि त्रस्य

बै सुबुंआदि आंखौ बेसेबां मोजां मोनोमोन। आं बेखौ बुंस'नो हाया। नाथाय दा बियो जिउनि मोदै लानानै थानानै थागासिनो दं बे सुबुंआ। आं बेखौ मोजां मोनामोन नाथाय बेसो आंखौ मोजां मोनोमोन असकआ। असकआ सासे नायनो मोजां मोन बाबो बियो सिगारेट थांखु जायो बियो। हिन्जाव मोजां मोजां नुबा बेखौ नड बेखौ गोसि थोयो बियो। नाथाय दा बिनि खाफालाव लिरनायाबा मा जायो आं बेखौ बुंस'नो हाया। आंहा सासे नायल जाल महर मुश्री गोनां सासे अनजालु दंखायो पुस्प नाम होननाय। पुस्पआ आंखौ मोजां मोनो आरो आंबो बेखौ मोजां मोनो। नाथाय बै सुबुं असकआ आंजों जोगार जानाया दाबो बियो आंखौ नख'रनि मानसि निआव बियो लाइजाम हरबाय थायो बियो। सोरनि गोरोन्थि बियो गावनिनो गोरोन्थि बियो। जायनि थाखाय समाजाव मोजां आखु दिन्थियो बिसो मानसि मोजां जायो। नाथाय दा पुस्पआबो आंखौ जोगारनो गिरहांबाय नाथाय दा नख'रनि बिमा,बिफा, फंबाय बिनावफोरा मिथि जोबबाय पुस्पनि नखरनि मानसिफ्रा जों सानैनि मोजां मोनलायनायखौ पुस्पआ आंखौ बुडो जेब्ला आं बुहुमनि हाथर्खि फोरखौ गावख्लाय हरगोन होनबासो सुबुंनि समाजखौ समाजनि नख'रनि संसारखौ सालायनो हागोन होननानै बुंलांदों आंनि अनजालु पुस्पआ।

आरो मा रोखोमे फुजा फोबों होनानै गसाइखौ गोजोन होनो नांगौ बेफोर नेमखान्थिखौ बुजायनानै होदोंमोन एबा होबोदोंमोन। बेफोर बायदिनो सोलोंसाफोरा फुजा फोबों खालामबोनानै जिउआव गोजोननि राहा मोन्नायजों लोगोसे गावखौनो गियानि सुबुं महरै सिनायथि होनो हाबोदोंमोन।

गेदेमा गुरुनि सिमा गैयै बिहोमानि गेजेरजों गोबां मानसियानो गुरुनि सेराव गावखौनो साफा साफा सोलोंसा महरै, थार गोथारथि महरै गायसन्नो हादोंमोन। आफा गुरुनि बेबायदि सिमा गैयि गोहोमखौ नुनानै आरो आसार खान्थिखौ मोजां मोन्नानै सरासनस्रा से रोजानिबो बांसिन नख'रआ सोलोंसानि लामायाव आवयाव बोबायमोन। गेदेमा गुरुआ दुलाराय आसामनि सोरगिदि जायगाफोराव बाथौ धोरोमखौ फोस्रावलांनो हादोंमोन। आधिखालसिम बिथानि सोलोंसा भक्त'फोरनि न्वख'रा आसामनि बरपेटा, नलबारी, गुवाहाटी, कार्बि आंलं, बिजनी आरो लक्षिमपुर बायदि जिल्लायाव दं। गेदेमा गुरुआ गावनि गोखों नाजानाय आरो गोथों फोथायनायजों इसोरनि सेराव बिबार सारनानै गोबों जिउ बाउनानै गासै भक्त'फोरखौ मोजां लामायाव लाबोनो नाजादोंमोन। बिथाड गावनि मोन्द्ांथिनि गियानजों इसोरनि बाउनाय सरासनस्रायै थुलसि बिलाइ, बेल बिलाइ,

बिबार, चन्दन आरो धतनि दै लोंनो आरो जानो होनानै गोबां बेरामिखौ फाहामनो हादोंमोन। सोलेराव जानाय बेराम जैर खर' सानाय, उदै सानाय फोरखौबो आफा आयै मोन्नि मुंआव फोजोंनाय आलारिनि थावजों मालिस खालामनानै आबुं महरै बेरामनिफ्राय बारग'होनो हादोंमोन। बेफोर बेसादफोरा साधारण बेसाद नड, बेफोरनो जादों इसोरनि गुण। नाथाय बाख्यायथाव बाभ्राया बेनोदि गेदेमा गुरुआ रगबो सुबुंनिफ्राय बिनानै दान दक्षिना एबा थाखा फैसा, स'ना रुफा, धोन दौलत लायाखैमोन आरो जोबजासिम लानायनि सिनाइथिबो गैया। बिथानि बादिब्ला– “धोन–दौलतजों गसाइखौ गोजोन होनो हाया। गसाइखौ गोजोन होनोब्ला सुबुंनो नांगौ लैथो बायदि गोथौ, हाजोमा बायदि गोगोम, बिबार बायदि निस्थार, गोसोनि गोथौ फोथायनाय आरो सिबिनाय”। आफा गुरुनि गियानखौ बिजिरनो थाडोब्ला जों बुंनो हायोदि बिथाडनो गुरु महरै जौंनि गेजेराव सासे इसोर एबा गसाइ। गेदेमा गुरुनि गुबै थां'खियानो जादोंमोन आधिखालाव जाखांबोनाय लेखा गोरों समाजाव थानानै मंगलिय एबा बर' समाजाव बाथौ दोहोरोमखौ फोसावनायजों लोगोसे जायफोर गात्रि आसारखान्थि बेफोरखौ बोस्रानानै सैथो बाथौ दोहोरोमाव थानाय गोदोनिफ्राय सोलिबोनाय खेरायजों सोमोन्दो गोनां बाथौनि नेम,

आषारखान्थिखौ बुरखां फिन्नानै गासै मोदाय मोदायजोनि बेदि एबा थानसालि फसंनानै लोगोसे बिमा बिश्व'हरिखौ बारि खनायाव खास्रि बिस्रि बोलि बिधानजों फुजा होनाय आरो जौ, सेरेप, सादा, बिड़ि बायदिसिना निसा एबा फेग्रा बेसाद जायै–लोडै सिबि–बोनाय गात्रि आषारखान्थिखौ गैया खालामनानै सैथो गोथार नेमखान्थिजों बोराइ बाथौ अबं गसाइखौ सिबिनो थानसालि फसंनानै बर' हारिमुखौ खौसेनि दौलेंजों खाजबनानै धोरोम फोसाबनायनि लामाखौ जुगामि खालामनो हानायजों लोगोसे बिथानि गोसोनि आरो जिउनि थां'खिया जाफुं सारनायनि लामायाव सर्फे बायमोन। नाथाय....नाथाय..हाय गसाइ! मादि दुखुनांथाव...बिखा गावथाव, 21 एप्रिल, 2005 जाय खालारखौ गोसोखांब्ला गासै देहा मोदोमानो दुखुजों खमफिखाडो मेगन्नि मोदै बोहैयो, जानो खहाबा लोंनो खहाबा...लांमारबाय खाना गसाइया अनसुला आफा गुरुखौ, गालां'बाय बिसि, फिसा, नख'रनि बाइ बाहागि, बाउ सुला....बाउ सुलि भक्तफोरखौ हालाय हाफाय, आलाय सिलाय। मिब'थिस' हायाखिसै, बुजिस'हायासै मा जाहोन्नि थाखाय आफा बोराइ बाथौआ जौंनि अनसुला आफा गुरुखौ अबथिरा गावसोरजों सोरगोआव लाफांखो? सोर हाबावगोन दालाय जौंनि हालाय हाफाय समाव आय'

होनफानो?

हाबाब...दहाय...आफा गुरु, जों भक्त'आ जिदु मारैबाफोर गोरोन्थि जायोब्ला गावनो दायनिगिरि महरै गसाइनि सेरव निमाहानि आरज गाबोमोन, बुजि रोडैखौ अनसुला गोसोजों जिरख' जिरख' फोरोंलाडोमोन, गुबुन्नि दुखुआव आय' होनफायोमोन, गावनि जानो गोनांखौनो गुबुनि दुखुआव आय' होनफायोमोन, गावनि जानो गोनांखौनो गुबुन्नो होयोमोन, गैयामोन देग्मा दुगा आखु, नुफेरनो मोनासै आफाजों नों थांनिफ्राइ जेबो गात्रि आसारखान्थि, थुलुंगा होदोंमोन आफा मोजाइै फरायनानै गेदेर गोलाव जानो, हारि, धोरोमखौ फोसाबलांनो....गैलिया नाथाय बे बायदि अनसुला आफाया, थाथेंसै बिथानि बेसेन गोसा जिउमाया सोर्गोंआव आलो आलोयै।

जा जालां'बाय....जालां'बाय। थांनाया थांथेंसै। जोबनायाव जों गासै बर' माहारि आरो भक्तफोरखौ खावलायोदि जुदिआबो आफा गुरुआ रूंसारि जालां'बाय, थेवब्लाबो जों गासै बर' माहारि एबा भक्तफोरा बिथां'खौ बावलांनो मोन्नाय नड लोगोसे गावनि असे आंगो बाथौ दोहोरोमखौ गंसे गेरेमसा गोग्गो हारिमु महरै सिनायथि होयो। आरोबाव गेदेमा गुरुनि आदर्श, गुण, गियानखौ जोंसार होनानै लाखिनो जों गासैबो सोलोंसाफोरा अराय सम जिउयै गाहामै नाजानाया गोनांथार।☐

जोगार जाखाबाय नों मानो आंखौ दिस्थाब खालामबाय थायो। सुख गैया दुख गैया नों आंखौ खालामबाय थायो नों मानो असक, असक आं पुस्पनि साननाय हास्थायनाय मिजिं लानायखौ आं फेलें खालामनो हानाय नड असक। नों आंनि थाखाय गोजानाव जानखार लांदों नों असक। आं दिनै अनजालु पुस्पनि बुंलांनाय बाभ्राखौ होलांनाय समाय खिरा लायलायनायखौ आं बावनो हाननाया नड असक। अनजालु पुस्पआनो आंखौ बुलांदों रावनिबो सायाव हेंथा दाहो मालायनि खोथा बाभ्रा दाला होननानै बुंलाडो आंखौ अनजालु पुस्पआ। अनजालु पुस्पनि लानाय समाय खिराखौ आं सिफायनो हानाय नड अरायबो थैस थांस आं बिनि समाय खिराखौ बावगार लानो हानाय नड। जे सुबुंआ आंखौ मोजां मोनबाय थाखागोन होनना बुडो आंनि बेनि थाखाय जिउनि अनजाली नांखाया असक नोंनो आंखौ बोरैबाय खालाम जोबबाय नों असक। अनजालु पुस्पआ जेब्ला हाथर्खि'फोरखौ गावख्लाय हरजोबनो हागोन होनबासो सुबुंनि समाजनि अनलायनायाबो थागोन होनानै बुडो आंनि सिगाडव। अनजालु पुस्पखौ आं नेनानै थाबाय थागोन अरायबो। सानसे सानसे पुस्पजों आंजों गोथार जुलिया नुजा फैगोन असक। नों आंखौ हास्थायबाबो मोनखाया असक। आं पुस्पनि अरायबो जानानै थाबाय थागोन अनजालु पुस्पनि।☐

जिउ जि मोदै

आंखौ गावनि अराय समनि थाखाय गावनि आखायाव लाखाबाय अराय समनि थाखाय। असक पुस्पजों आंजों मोजां मोनलायनायखौ रावबो बोखानो हाननाय नड। असक नोंबो हाननाय नड। सोरजिगिरियानो पुस्पजों आंजों अरायसमनि थाखाय आखायाव लागासिनो दं। असक पुस्पजों आंजों माब्ला फैगोन बै आंनि गोथार आंजों माब्ला फैगोन बै आंनि गोथार जुलिया। असक नों आंखौ मिथिया इसिया आंखौ मोजां मोनदोंमोन नों। आं नोंनि लाइजामखौ मोननानै फरायबानो आंनि गोसोआ मोदैनि बाननायाव गोल्गैयो। नाथाय असक हिन्जावआदि आं ल नड। गुबुन गुबुन दं आखल आखु मोजां लेखा गोगें मानसि हिन्जाव मोनगोन नों असक।

आंजों नों जोगार जानानै मानो नों आंखौल हास्थायबाय थायो मानो नों असक। असक आंखौदि बेसेबां मोजां मोनो पुस्पआदि। पुप्सा आंनि थाखाय रैसुमै देंखो रावआ आंनाव सनामिन देरा लुनानै दोनखाबाय आंजों राइजो जानो थाखाय सनानि देरा न। पुस्पआ आंनि आंगोनि अनजालु असक आं पुस्पनि राव रायलायन मिनिनाय रैसुमै देंखो रावआ आंनाव जाखां फैयो। पुस्पनि रावआ असक। नाथाय असक नोंथ' आंखौ मिथि खायो। आं पुस्पनि थाखायसो थानानै दं। पुस्पआ आंखौ बुडो आंखौ असक जेब्ला बुहुमनि हाथर्खि'फोरखौ गावख्लाय हरनो हागोन होनबासो बे सुबुंनि समाजनि

माहाम देहानि राहा

हायजेंआ माखासे गोब्राब बेरामफोरनिफ्राय रैखा मोन्नायाव अमृत बायदि खामानि मावो

हायजेंखौ बांसिने साहायाव बाहायनाय जायो। साहायाव हाइजें गैयाब्ला बेनि जेबो मुलाम्फा गैया। बेखौ गुबुन गुबुन जाग्रा मुवाफोरगवबो बाहायनाय जायो। नाथाय बे फिसा मस्लाया साहानि थावनायखौल' बांहोया नाथाय नोंथानि देहानि थाखायबो जोबोद मुलाम्फा गोनां। आयुर्भंदआव हायजेंखौ गुनफोरनि खनि बुनाय जायो। बेखौ जाब्ला नोंथाड गावखौ गोबां गोब्राब बेरामफोरनिफ्राय रैखा खालामनो हायो। मुलियारि गुनफोरजों बुंफबनाय हायजेंआ गुसु, गुजुनाय आरो गुजुनायनि थाखायल' गुन गोनां नडा नाथाय बेफोरजों लोगोसे बेयो माखासे गोब्राब बेरामफोरगवबो जोबोद गोहोम गोनां। गुबैयै हायजेंआव थानाय गोबां निट्टियेन्टफोर जेरै-आयरन, केलसियाम, आयडिन, क्लरिन आरो भिटामिनफोरा नोंथानि देहाखौ गोबां बेमारफोरनिफ्राय गोजानाव लाखियो। मिथिनो गोनांदि, हायजेंआ नोंथांखौ मा बेमारफोरनिफ्राय रैखा खालामगोन, लोगोसे सनाव बेखौ माब्ला आरो माबोरै लोंनांगौ। हायजेंआ गाहायाव होनाय जेनाफोराव गोहोम गोनां-

1.एसिडिटि: जुदि जाग्रा आदार



जाखांनयनि उनाव एसिडिटि आरो बिखा आलौनायनि जेना जायो, अब्ला हायजेंनि बिदे ला। बेयो देहायाव थाडे आरो एसिडिन बिबांखौ सामलायो। बेनिखायनो जाग्रा आदार जानायनि 10 मिनिटनि उनाव कापसे हायजेंनि रोसि लों।

2. मोदोम बारायनायाव गोहोम गोनां: जुदि नोंथाड सानफ्रोमबो हायजेंनि रोसि लोडे अब्ला नोंथाड साननैसोनि गेजेरावनो मोदोम बारायनायनिफ्राय रैखा मोनगोन। बेयो मेटाबलिजमखौ बांहोयो जाय नोंथानि उदैनि मेजेमखौबो रेहाय होयो।

3. डाइबेटिसखौ सामलायो: जुदि नोंथांहा डाइबेटिसनि जेना दं अब्ला नोंथाड हायजेंनि दै लोंनो हायो। बेयो देहायाव ब्लाड सुगारनि थाखोखौ बाडय खालामो। जायनि जाहोनाव डाइबेटिस बेरामनि गिनाया जोबहैयो।

4. लोरबां होबथानो हानाय गोहोखौ बांहोयो: जुदि नोंथानि होबथानो हानाय गोहोआ लोरबां

जायो आरो नोंथाड थाबैनो बोथोरारि बेरामफोरनि बोलि जायो आरो लोगोसे गुजुनाय आरो गुजुनायजों जेनायाव गोरगेल्यो, अब्ला नोंथाड हायजें जानांगोन।

5. जरायाव सानायनिफ्राय रैखा मोनो: बे साहाया जरायाव सानायनिफ्राय रैखा मोन्नायाव गोहोम खोख्लैयो। बे साहाया सानायखौ बोयो आरो हान्यु एबा आखाइ आरो आर्थिनि आसिफोराव सानायखौ बोखारो।

6. पीरियड सानायाव गोहोम गोनां: हाइजेंनि साहाया दनारि सानायनिफ्राय रैखा मोननायाव मोजां गोहोम खोख्लैयो। बेनि अनगायैबो जुदि नोंथाड गोबायो एबा गोबानो हमो अब्ला हायजेंनि साहा लों। गोबानाया थाबथायो।

हायजेंखौ सरसन्सायै साहायाव होनानैलौनाय जायो। नाथाय जुदि नोंथाड बेनिफ्रय बांसिन मुलाम्फा लुबैयो अब्ला साहानि सोलायै बेनि बिदैखौ लों।

मुंदांखा फावरुंगुर शाहरुख खानआ गावनि केरियारआव मोन्ने फ्लप सावथुनफोरखौ होदों

गावनि 33 बोसोरनि केरियारआव शाहरुख खानआ माखासे औरैबायदि सावथुनफोर होदों, जायखौ अन्साइगिरिफोरा बोसोर बोसोरसिम गोसोआव लाखिगोन। दीवाना सावथुनाव नैथि गाहाइ फाव दिन्थिनाय बादशाद खाननि थाखाय 1993 निफ्राय लानानै 2005 सिमआ गल्डेन पिरियडमोन, जेराव बिथाडा 'दिल वाले दुल्हनियां ले जाएंगे' निफ्राय लानानै रगु बन गया जेन्टलमेन, दिल तो पागल है, वीर जारा बायदि माखासे सावथुनफोर खालामदों, जाय कमाशियेली हिट जादों आरो अन्साइगिरिफोरनि गोसोफोराव किंआ जायगा आवग्रिदों। एसेबां जाफुंसारनाय सावथुनफोर होनाय किं खाननि जिउआव मोनसे औरैबायदि समबो फैदोंमोन, जेराव बिथानि सावथुनफोरा प्लफ जाबाय



थादोंमोन। 2018 आव रिलिज जानाय केटरिना कैफ आरो अनुष्का शर्मा स्टारनि सावथुन 'जीर' खौ शाहरुख खाननि केरियारनि बयनिखुइबो फ्लपसिन सावथुन होन्ना गनायनाय जायो, नाथाय बिब्दि नडा। दिनै नोंथांमोन्नो शाहरुख खाननि बै सावथुननि सोमोन्दै मिबथि होनो नागिरदों। जाय

जीर'निफ्रायबो गिदिर फ्लपमोन आरो बक्स अफिसआव गात्रियै फेलें जादोंमोन। बक्स अफिसआव गल्डेन पिरियड सोलिफुबाय थानाय समावबो बिथानि फ्लप जानाय सावथुनाबो बे समावनो जादोंमोन। बिथाडा कभी खुशी कभी गम, देवदास, कल हो ना हो आरो

वीर जारा बायदि सावथुनफोरखौ होनानै बलिउडआव टपआव गावनि जायगा बानायदों। बेनि गेजेराव शाहरुख खानआ मोन्ने फ्लप सावथुनफोरबो होदों, जेराव मोनसेया आशुतष ग्वारिकरनि स्वदेश सावथुन आरो गुबुन मोनसेया 2004 आव फैनाय 'ये लम्हे जुदाई के'।

टिभि फावरुंग्रि प्रिया माराठेनि फिसाइआ इनस्टाग्रामआव माखासे सावगारिशेयारखालामदों



पवित्र रिश्तानिफ्राय लानानै 'कसम से' बायदि सिरियालनिफ्राय बयनिबो न'-न'आव सिनायथि जानाय फावरुंग्रि प्रिया माराठेआ 31 आगस्टखालि केन्सारजों गोबाव सम जुजिनायनि उनाव जिउ गोमादोंमोन। 38 बोसोर बैसोआव जिउ गोमानाय फावरुंग्रिनि आंगो लोगोफोर आरो नख'रआ दासिमबो दुखुआव गोरलैसोनानैनो दं। प्रियानि जिउ गोमानाया दान मोनसे आबुं जानायाव बिथानि फिसाइ आरो फावरुंगुर शान्तानु मधेआ बावैसो सिगां जोबोद इमशनेल जानानै फावरुंग्रिजों जयै लानाय माखासे

सावगारिफोर शेयार खालामदों। समाजयारि बिजोंआव बिथानिआ मोनसे औरैबायदि पस्ट शेयार खालामदों, जायखौ नुनानै प्रियानि अनसाइगिरिफोरबो गाबा मोखां जादों। शान्तानुआ गावनि मोन्थाइ गोनां इनस्टाग्राम एकान्टआव रंजानाय मुडसजों लोगोसे गावनि आरो प्रिया माराठेनि माखासे नुफेरै आरो अन्थाव सावगारिफोर शेयार खालामनानै बिसिखौ गोसोखांदों। बिथाडा केप्सनआव लिटरदों, बे पस्टआ गोसोनि बाध्रा फोरमायनायनि थाखाय। आं बै साफ्रोम सुबुंफोरनिसिम साबायख'र जासि हरो, जायफोरा आलादा-आलादा प्लेटफर्मनि गेजेरजों प्रिया माराठेनि फारसे अन्नाय आरो बोर सारसि हरदों। बिथाडा लिबबावदों, अन्साइगिरिफोर आरो माखासे सिनाय मोनै सुबुंफोराबो गावसिनि गोसोनि मोन्दांथिखौ फोरमाय हरदों, बिसोरनिसिमबो गोसो गोरबोनिफ्राय साबायखर जासिहरनाय थाबाय। नोंथांमोन गासिबोनिफ्राय मोन्नाय लाख' हायै आर'ज आरो बेस्ट उइशेशआ आनि सुबुं माहारिनि सायाव फोथायनायखौ बांसिन बांहोदों। गासिबोनिफ्राय गड ब्लेस इड।

सनि संस्कारि की तुलसी कुमारी सावथुनआ 2 अक्टबरआव सिनेमा हलफोराव रिलिज जाबाय



आरजिनाया 10 निफ्राय 15 कौटि रंसिमल' थानो हायो।

सुपारस्टार पावन कल्याणनि 'अजि' सावथुननि अटिटि रिलिजनि माखासे खौराड सोराडव फैदों

एइचसि भायनेनि बिथोन होनायाव बानाय जानाय एक्सन थ्रिलार सावथुन 'दे कल हिम अजि' आ बे समाव बक्स अफिसआव दोहौ सोमजिहोगासिनो दं। सावथुन सुपारस्टार पवन कल्याणनि बे सावथुनखौ अरिजिनेल राव तेलुगुनि अनगायै हिन्दी-तामिल, मालायालम आरो कन्नडआवबो रिलिज खालामनाय जादों। बे सावथुनजों माडक आरो टइगार 3नि फावरुंगुर इमरान हाशमीआ साउथ सावथुनाव आगान होदों। जलि एलएलबि 3 खौ उन खालामनानै गोखों फालांगि खालामनाय बे सावथुननि

फारसेथि कान्तारा सावथुना गासै रावफोरखौ जथाइनानै

गिबि सानआव 60 कौटि रं आरजिदों। गिबि सानाव



अटिटि रिलिजखौ लानानैबो गोदान आपडेट फैदों। 25 सेप्टेम्बरखालि पेन इन्डियाआव रिलिज जानाय 'अजि' सावथुनआ 6 साननि गेजेरावनो नख'रारि बक्स अफिसआव नेट कालेक्सनखौ 154.98 कौटि रं खालामदों। बबेखानि बेनि गेजेराव पवन कल्याण आरो

इमरान हाशमीनि जाय अन्साइगिरिफोरा बे सावथुनखौ गावसिनि बिजि शेडयुलनि जाहोनाव नायनो हायाखै। बिसोरनि थाखाय 'अजि' नि अटिटि स्ट्रियंखौ लानानै मोजां खौरां सोरांआव फैदों। गेडजेटस 360 डट कमनि सुलुंनि बायदिब्ला दे कल हिम अजि

बिथोनगिरि-फावरुंगुर ऋषभ शेडिआ 'तुगलक' सावथुनजों गावनि केरियारखौ जागायदोंमोन

ऋषभ शेडिआ आथिखालाव जेनिबो सिनायथिनि गोनांथि गैला। बिथाडा 2022 आव रिलिज जानाय सावथुन 'कान्तारा' आव गावनि समायना बिफावजों साफ्रोमखौबो गोमोहाब होदोंमोन। कन्नड रावआव बानायनाय बे सावथुना हादतनाडै 450 कौटि रनि खाथियाव बिजनेस खालामदोंमोन आरो भारतआव 200 कौटिनिखुइ बांसिन रं आरजिदोंमोन। अदेबानि बिथोनगिरि-फावरुंगुर ऋषभ शेडिनि थाखाय सानआ साफ्रोमबो एखे नडामोन। थानाय सानफोराव मुम्बाइआव ट्रेलार लन्चनि समाव ऋषभ शेडिआ बै सानफोरखौ गोसोखांनानै दुखु जादों, जेब्ला बिथाडा गिबि खेब मुम्बाइआव फैदोंमोन आरो बिथाडा गावनि सिमांखौ



जाफु'होनो थाखाय गोबां खस्थ' खालामनांदोंमोन। बिथाडा बुडो, मुम्बाइ सहरआ आनि थाखाय जर'खा। 2008 आव अन्धेरिनि मोनसे प्रडाक्सन हाउसनि अफिसआव आं मावफारिया हिसाबै खामानि मावोमोन। प्रडाक्सन हाउसनि बायजो लामायाव गसंन फाव जानानै सानाखै मोनदि, बेसिम सौहैगोन। 17 बोसोरनि उनाव

सावथुना आंखौ बेसिम सौहैहोबाय। ऋषभ शेडिआ गावनि केरियारखौ 2012 आव तुगलक सावथुनजों जागायदोंमोन। बेनि उनाव बिथाडा उलितदवर कन्दन्ते बायदि सावथुनफोर खालामदों। बे सावथुनफोराव बिथाडा रं मोन्दोंब्लाबो, नाथाय बिथाडा सिनायथि मोनो हायाखैमोन। 2022 आव कान्तार सावथुनजों बिथानि खाफालआ सोलायदों

आरो बिथाडा प्रभास आरो आल्लु अर्जुन बायदि साउथ सुपारस्टारनि फारिलाइयाव सरजाब जादों। कान्तारानि जाफु'सारनायनि सोमोन्दै सावरायनानै ऋषभ शेडिआ बुडो, सावथुना मा खालामनो हायो, आंखौ नायनानै सान्नो हागोन। कान्तारा सावथुना आंखौ सिनायथि मोनहोदों, जायखौ आं माब्लाबाबो सानाखैमोन।

रणबिर कापुरनि उनाव फावरुंग्रि आलिया भाट्टआ बिमा दुर्गारखौ दर्शन खालामहैदों

आलिया भाट्टआ नभमिनि गोथार फोर्बोंआव काजल आरो बिथानि न'खरनि खुंफुनाय बोसोरारि हाबाफारि, मुंदांखा नर्थ बम्बे सर्वजननि दुर्गा पुजा पन्डालआव नुजाहैदों। फावरुंग्रिनि मोनसे भिडिअया समाजयारि बिजोंआव जोबोद भाइरेल जागासिनो दं। बे समाव आलियाआ पेस्टल गाबनि लेहेंगा गान्दोंमोन। आयान मुखाजर्जिया बिथांखौ गेटआव लायनो थांदों आरो बिथानि आखाय हमनानै आलियाआ गोखों रैखाथिनि गेजेरजों सिडव हाबहैदों। बिथाडा रनि मुखार्जी आरो आयानजों लोगोसे सेल्फबो लादों। आलियानि



लेहेंगाजों लोगोसे फुल स्लिम गुफुर गाबनि ब्लाउजखौ जोबोद समायनाय नुदोंमोन। बिथाडा गावनि खानायखौ हसारदोंमोन आरो झुमकाजों गावनि नुथाइखौ आबुडै समाय होदोंमोन। आलियाआ देभि दुर्गानि मुर्तिजों लोगोसे सावगारि सेबखां जादों आरो रानिजों बाध्रा सावराय

लायनायबो नुनो मोन्दों। बबेखानि रानिआ मेचिं ब्लाउजजों लोगोसे अग्रं गाबनि सारि गान्नायमोन। खानायखौ उनथिं खादों आरो गिदिर-गिदिर झुमकाजों रानिखौ जोबोद समायना नुदों। आयान मुखार्जीआबो गावनि नुथाइखौ सिम्पल दोन्नानै गोमो गाबनि

कुर्ता आरो पायजामायाव नुजाथिदों। आलिया भाट्ट फैनायनि सानसे सिगां रणबिर कापुरआ दुर्गा पन्डालआव फैदोंमोन। समाजयारि बिजोंआव भाइरेल जाबाय थानाय मोनसे भिडिअयाव फावरुंगुरखौ आखाय खबजबनानै पन्डालआव हाबहैनाय नुनो मोन्दों। जौसांआव सौहैनाय लोगो लोगोनो बिथाडा बिमा दुर्गाखौ गंगलायना खुलुमदों आरो आर'ज गाबदों। गोबां होंगो-दोंगोनि जाहोनावबो फावरुंगुरआ मिनिनानै अन्साइगिरिफोर आरो सिबियारिफोरखौ गोसो गुदुडै बरायदों।

